


254
7132
2

馬氏名賢類輯卷之二目錄

諫官

科名



馬氏名賢類輯卷之二

中六侯波 公四十五世孫適元祗文氏纂輯

茗溪兄士修天一分輯

鄭福書

同懷弟 述元自申 參訂

遵元學庭

姪 受曾念功 嫡姪 載鐸 校正

庭杏心沂 復淳

男 伏授 蔡授 全錄梓

孔授 夏授

諫官

諫官之設所以廣言路也唐以前吾宗未有以諫官  
著者唐以後則多名垂史冊者矣若惟白之按魏元  
忠時中之罪張邦昌處厚之報張方平皆不愧御史  
之責又有職非諫官而其言實有裨於國家者如我  
祖太常公以光祿卿建言當時指爲誹謗乃至廷杖  
而死論者謂與楊椒山先生異事同心則是無言官  
之任而可與言事諸公並列也輯諫官

諫官

唐馬懷素字惟白潤州丹徒人

客江都師事李善貧無貲晝樵夜輒然以讀書遂  
博通經史擢進士第又中文學優贍科補郿尉積  
勞遷左臺監察御史長安中大夫魏元忠爲張易  
之構謫嶺表太僕崔貞慎東宮率獨孤禕之祖道  
易之怒使人上急變告貞慎等與元忠謀反武后  
詔懷素按之使者促迫懷素執不從曰貞慎餞流  
人當得罪以爲謀反則非昔彭越以逆誅樂布奏  
事尸下漢不坐罪今元忠罪非越比不宜坐餞閤

之人且陛下操生殺柄欲加之罪自當處決聖心  
既付臣按狀惟知守陛下法耳后意解貞慎等乃  
免宰相李迥秀藉易之勢斂跡諉法懷素劾罷之  
轉禮部員外郎以十道使黜陟江西處決平恕遷  
考功覈取實才權貴謁請不能阿撓擢中書舍人  
內供奉爲修文館直學士開元初爲戶部侍郎封  
常山縣公進兼昭文館學士篤學手未嘗廢卷謙  
恭慎畏推爲長者玄宗詔與褚無量同爲侍讀更  
日番入旣叩閣肩輿以進或行在遠聽乘馬宮中  
每宴見帝日送迎以師臣禮有詔句校秘書是時

文集盈漫皆臬朽。蟬斷籤牋紛舛懷。素建白願陞  
下紫微黃門名宿學。巨儒就校謬缺。又言自齊以  
前舊籍王儉七志已詳。請採近書篇目及前志遺  
者續儉志以藏秘府。詔可。卽拜馬懷素秘書監。會  
卒。帝舉哀洛陽南城門。贈潤州刺史。謚曰文給。舉  
還鄉里喪事。官辦。





宋馬伸字時中東平人

崇寧中禁元祐學出其黨爲諸路學使專糾其事  
伊川之門學者無幾雖宿素從遊間以趨利叛去  
時中方白吏部求爲西京法曹銳然爲親依之計  
伊川辭焉時中曰使伸得聞道雖死何憾況不至  
於死乎伊川歎曰此真有志者遂引進之率受中  
庸而歸靖康初孫傅以卓行薦召擢監察御史金  
人陷汴京立張邦昌衆唯唯伸獨奮曰志士不忘  
在溝壑勇士不忘喪其元今日何時溝壑乃吾死  
所也乃與御史吳給共爲議狀乞存趙氏復嗣君

位邦昌旣僭立賊臣多從諛之伸具書請邦昌速  
迎奉元帥康王同院無肯連名者伸獨持以往而  
銀臺見書不稱臣却不受伸投袂叱之曰吾今日  
不愛一死正爲此耳卽檄申尚書省以示邦昌邦  
昌得書氣沮明日議迎哲宗后孟氏垂簾追還僞  
赦遣馮澥李回等迎康王旣卽位擢伸殿中侍御  
史撫諭荆湖廣南誅邦昌伸自湖廣將入奏黃潛  
善汪伯彥不法凡十有七事奏入留中明日改衛  
尉少卿伸以論事不行辭不拜錄疏申御史臺且  
言臣論可采卽乞施行非是合坐誣妄之罪詔貶

濮州監酒稅時用事恚甚必欲殺之以濮迫寇境故有是命趨使上道伸怡然幙被而行死道中伸生平恥自名凡建言輒削藁人罕知之後胡安訟其寃請錄用其子孫

宋馬遵字仲塗饒州樂平人

舉進士授校書郎知奉新累遷江淮荆湖兩浙制置發運判官方西師仰餽河流湮澁上憂之特加遵監察御史尋陞副使既至上下給足六路無愁怨入爲御史首彈宰相梁適章九上適罷相出謫知鄭州遵亦出知宣州翰林學士胡宿乞留遵不

報未幾移京東路轉運使再入召爲右司諫知諫  
院被旨使契丹還除禮部員外兼侍御史數言時  
政得失嘉祐二年冬以疾乞解職不許京畿饑遵  
請卹刑智高遁遵請防蜀或糾內東門使臣之奸  
朝廷并糾者兩黜之遵曰如此則刑賞均失非所  
以安天下歐陽修蔡襄賈黯胡中復相繼補外遵  
累疏爭之韓絳之出遵奏曰臺諫乞留絳未從宰  
相劉沆以朋黨斥絳是絳去留不由陛下而由宰  
臣凡五疏劾沆沆去乃已轉吏部員外郎直龍圖  
閣卒

宋馬默字處厚單州武城人

少從石介學登進士以張方平薦爲御史遇事輒言無顧方平屬所親謂曰言太直得無累舉者乎默謝曰不敢爲身謀所以報也後爲河北轉都運使紹聖初坐附司馬光落職

史贊張方平薦爲御史盡言不諱方平止之不聽斯爲不負知己者矣

附記元祐黨人碑馬氏文臣二人武職二人

馬默

馬涓

係文臣

馬田

馬稔

係武職

宋馬擴

綱鑑 巴西三年帝駐蹕杭州下詔求直言馬擴應詔

上書言前日之事其誤有四其失有六今幸陛下  
西幸巴蜀用陝右之兵留重臣使鎮江南撫淮甸  
破金賊之計回天下之心是爲上策都守武昌襟  
帶荆湖控引川廣屯兵上流扼據形勢是爲中策  
駐蹕金陵備禦江口厚激將士以幸一勝是爲下  
策若倚長江爲限幸金賊之不來猶豫遷延是爲  
無策疏累數千言皆切事機 和州防禦使馬擴  
聚兵於真定五馬山奉信王榛以總制諸砦兩河  
遺民間風響應以榛爲元帥

元馬祖常字伯庸光州人

綱鑑

延佑二年秦州成紀縣山移次日再移平地陷沒居民監察御史馬祖常建言山乃不動之物今而動焉由在野有當用不用之賢在朝有當言不言之佞故致然爾 延佑四年帝在御已久猶居東宮飲酒無度祖常上疏極諫言天子承天繼續當極保愛玉食之御尤審五味之宜酒醴之供可不思百拜之義大內正衙朝賀之地雖陛下不忘東宮之舊竊慮起民間觀聽之疑且國家百年朝儀尚闕誠使羣臣奏對之際御史執簡史官執筆



則雖有懷奸利乞官賞者不敢出諸口乞令中書  
集議或三日二日常出視朝則治道昭明生民之  
福也常預修英宗實錄又譯潤皇圖大訓承華事  
畧又編集列后金鑑千秋紀文宗謂中原碩儒惟  
祖常云

史贊祖常議典禮與政事擢奸劾惡屢黜而不悔蓋  
亦有風節焉

明馬中錫字天祿故城人

成化乙未進士拜給事中疏劾萬昭德之弟再疏  
再得杖瀕死不悔出爲雲南僉事改陝西陞大理  
卿以副都御史巡撫宣武府武廟初名爲兵部侍  
郎劾罷瑾黨冒邊功者瑾恨之矯詔改南京工部  
尋罷官瑾誅起撫大同名爲都御史往督軍務以  
老師玩寇下獄踰年疾卒盧雍追疏其冤予祭一  
壇

明馬子聰字舜達廣平人

成化丁未進士初授南京禮科給事中時都御史

錢鉞守備太監蔣琮凶悖貪縱無所紀極聰首劾  
錢鉞之倖進繼奏蔣琮之貪奸上嘉其言罷錢鉞  
繫蔣琮於錦衣獄尋轉戶科朝廷勅於萬歲山建  
毓秀亭費用不支中外洵洵子聰具疏諫阻上命  
輟毀之前後數十疏大畧排斥奸貪皆他人不敢  
言者終以此忤巨璫欲中傷之因母老給假省親  
卒於家爲衆所惜焉

明馬貫

單縣人

貫以才學超卓舉任監察御史遇事敢言直聲振  
中外官至江西布政使司參政

明馬理字伯循三原人

正德甲戌進士諫南巡議大理廷杖者再後以南  
光祿致仕隱居教授以終

明馬敷字子抑上蔡人

長軀劍眉豪宕不羈以忠孝自勵登正德辛丑進  
士需次銓曹念母孀居卽上疏乞終養未許授兵  
部主事改南臺御史敷上危言以定國時吏部尚  
書王瓊節制三邊邀功冒賞敷率諸道御史疏諫  
數瓊大罪者十乞罷黜以謝天下上怒令緹騎逮  
敷等至闕下廷杖諸御史有死者敷始終無撓辭

中外服其壯烈謫判興州遷蘇州太守蘇故劇  
郡且繁於獄訟敏雄才敏斷處之裕如暇則與學  
士大夫登虎丘泛太湖杯酒嘯咏悠然遠致遂起  
新亭之歎兼有所觸一旦解印綬歸日從朋舊爲  
泉石遊不復問人間事所著有著臺集行於世

明馬錄字君卿信陽人

正德三年進士授固安知縣縣當南北衝劇號難  
治錄嫻習政體周察人情廉明惇信士女悅服踰  
年有冀寇之亂襲破固安錄被執寇見臥內無長  
物乃賢而釋之獨縱其獄囚去囚曰我輩罪宜死

世宗遣司禮監官傳諭獻帝冊去本生二字馬理何孟春等言若去本生二字則重所生而忘所繼徒知私親爲孝而不知紹正統爲大孝也楊慎曰國家養士百五十年仗義死節正在今日馬朝卿王元正金獻民遂遮留諸朝臣於金水橋南號召曰萬世瞻仰在此一舉今日有不力爭者當共擊之於是馬冕秦金王三錫徐文華等一百二十一人撼門大哭一時朝臣皆哭聲震闕廷上大怒遂命逮繫馬理等凡一百三十有四人於獄

明馬經綸字主一北通州人

萬曆己丑進士授肥城令考最擢侍御史經綸執  
板謁上官曰治縣日淺不足見長願任此三十年  
庶幾報績人皆河漢其言比入京欲疏請還治肥  
人以非制阻之時上方嚴譴言官旬日被斥者  
凡三十有四人中外震恐禁不敢出聲經綸具疏  
力爭以五事責上上大怒謫米脂典史尋削籍卜  
居村墅杜門却掃不棋不琴亦不能蕉葉飲終日  
誦讀如書生言笑俱慳動移亦簡乙巳疾作正容  
端坐而逝年四十四卒之日州人罷市巷哭肥城  
人千里來弔者如市門人私謚曰聞道先生

幸母竄以累吾慈父也復相率詣獄踰年徵拜監  
察御史督理山東馬政以內艱歸免喪出按江南  
嘉靖初遣使捕高唐州官屬連坐者五百餘人中  
外大駭錄上疏極諫上從之六年按山西妖人李  
福達事覺錄捕抵法初福達以丹術干武定侯郭  
勛勛奇之相與頗密及被繫勛乃移書請貰錄怒  
劾勛庇奸亂法勛惶懼入辨上疑以屬三法司於  
是刑部尚書顏希壽等會鞫俱如錄擬而給事中  
王科等御史高世魁等二十五人各又疏論勛先  
後十餘疏上以人言衆愈疑而左右又有爲勛彌



縫者乃令福達併勘官俱至午門以兵部左侍郎  
張璉署都察院禮部右侍郎桂萼署刑部少詹事  
方獻夫會審璉等鍛煉附會盡改原供錄與都御  
史李璋等坐故入俱謫戍王科等坐挾私彈劾俱  
編氓福達釋歸勛置不問羣論皆爲不平

明馬明衡

福建莆田人

思聰子正德甲戌進士官監察御史世宗朝昭聖  
太后生辰有旨免朝賀明衡上疏極諫廷杖下詔  
獄世稱雙忠

明哭門三馬

明馬逢臯字千里三原人

萬曆癸丑進士歷官御史風節凜然天啟朝具疏  
請正紀綱指斥挺擊紅丸遂及墨勅票提等事朝  
端一肅又申救楊漣以明移官之案遼城破經畧  
袁應泰御史張銓道臣何廷魁死之劾熊廷弼以  
不恤忠節終以誤國又劾御史劉廷元三不忠申  
論提牢王之案發覺之功兩致年例率以不阿當  
事降山西都事後陞南吏部開河滸書院築仁塢  
堡鄉人依賴云

明馬鳴起字劬思龍溪人

任御史當保姆之再名正聖怒方嚴疏諫六不便  
侃侃不諱尋外調人皆惜之鳴起曰某不從此干  
於地下僅外調足矣初知新建縣撫字以誠不事  
鈎棘時江國水潦民多逃亡鳴起乘小艇出沒烟  
波中勸糶捐賑民賴以全活者無算鳴起萬曆庚  
戌進士也

科名

三代而上所重在實行秦漢以下所重在科名隋置進士科而唐宋相因乃以進士之首擢者或稱爲第一人或呼爲狀頭遂爲科名之冠吾宗科名在唐已多擢進士科者而以第一人及第則尤著於宋之元祐明之永樂宣德間至

本朝順治辛丑先太史復大魁天下元燈輝映代有其人凡鄉會舉第一者皆附見焉輯科名

馬車

卷之三

車

科名

宋

馬遵字仲塗饒州樂平人

會元狀元

舉進士自禮部至於廷試其名皆第一守秘書省  
檢書郎遵讀書以文辭駢麗稱天下至出仕所及  
號爲辨治議論條暢人反覆之而不能窮

宋史馬遵性樂易善議論其言事不爲激訐故多見

推行杜衍范仲淹皆稱道之

宋

馬涓字巨濟南部人

三元

以進士舉首入幕府自稱狀元呂大中日狀元云  
者及第未除官之稱也旣爲判官則不可因勉以

修身爲己之學臨政治民之要涓自以爲能得師  
焉

**宋**馬適字志達湖口人 狀元

祖良俊卒葬於幘頭山時識曰沙州圓出狀元適  
生自幼聰敏勤苦嗜學奉母篤孝建隆三年沙州  
果圓適登狀元第以母故守制卒於家

**明**馬鐸字彥聲號梅崖福建長樂人 狀元

通紀永樂十年賜馬鐸林誌王瑛等及第出身有美  
鐸爲人坦直無崖岸常建言國子監分獻十哲  
宜用翰林院上從之車駕兩幸北京皆留侍監國

仁宗屢顧楊士奇曰馬鐸可謂質直無僞者矣

附記

李騏原名李馬與馬鐸同母異父廷試狀元及第  
上改馬爲騏驢唱名莫有應者上道其故乃出應  
李馬丁酉解元

明馬愉字性和號澹軒山東臨朐人 狀元

通紀宣德二年賜馬愉杜寧謝璉等及第出身有差

擢翰林院修撰上嗣位初愉侍經筵尋陞侍讀  
宣宗實錄成陞侍讀學士正統五年奉詔入閣預  
典機務論事務存寬厚常奏讞疑獄經年不決者



正統十年進禮部侍郎兼侍講學士晨起趨朝仆  
不能語上命醫往視越四日卒年五十二上深嗟  
悼賜棺槨賻錢萬緡命有司歸喪營葬贈禮部尚  
書兼翰林學士謚襄敏舊例無贈兩官者贈兩官  
自愉始愉資性醇篤端重簡默不設城府兩考會  
試盡心擇才爲文章不務雕琢論事不苟爲異同  
自處淡如門無私謁人稱爲篤厚長者云

楊士奇曰宣德以前十五科會試未有北士居  
首選者有之自丁未始

清馬世俊字章民一字甸臣江南溧陽人

狀元

性純孝賦資聰敏博通經史過目不忘爲諸生時  
有盛名試輒冠軍順治十八年臚傳第一京師有  
昔日狀元天下福今年狀元天下才之謠殿試策  
滔滔萬言皆可見之施行論王者以天下爲家不  
宜示異同於天下以爲分漢人滿人之名非盛世  
所宜詞意侃直切中時弊識者比之陳同甫見四  
輔政長揖不拜輔政云狀元有大儒氣象居官六  
年謝絕餽問常謂同僚云史官無他職讀書卽其  
職非熟悉經史源流何以備顧問甲辰由秘書院  
修撰陞弘文院侍讀入禮闈充同考官所得皆知

名士卒於官無以為歛同年李子靜張素存徐孟  
樞等醵金為庀喪事

會元榜眼

元馬祖常字伯庸光州人

解元會元榜眼

父潤同知漳州路總管府事祖常七歲知學得錢  
卽以市書旣長益篤於學蜀儒張頌講道儀真往  
受業於門質以疑義數十頌甚器之延佑初科舉  
法行鄉貢會試皆中第一廷試第二授應奉翰林  
累官御史中丞立朝多所建明工文章務去陳腐  
專以先秦兩漢爲法自成一家言詩尤圓密典麗  
卒贈魏國公諡文貞

明馬之麒字時良新野人

榜眼

萬曆庚戌進士以榜眼入翰林官終禮部侍郎

**清**

馬教思字臨公號嚴冲江南桐城人

會元

少穎悟能詩嘗侍坐於婦翁方密之先生立成梅花雁字詩各十律先生奇之九歲喪母哀毀如成人人稱馬孝子長益博通經史有文譽中康熙戊午經魁己未會元授翰林院陞編修公素性耿介在官邸杜門謝客誦讀不減諸生時居鄉不問戶外事遇有大利害切民者必力爲邑令言所著有皖桐闡幽錄左傳紀事本末古學彙解報循堂詩文全集卒之曰門人私謚爲文懿先生

解元

明馬拯字壯輿號雙溪南海人

少穎悟經史過目成誦年十三入郡庠督學田汝成巡按余本會咸奇其才中永樂丁酉解元戊戌進士與盧夢陽齊名時稱盧馬授工部主事介直自持不徇內豎囑託不數月卒於任士民惜之

明馬中錫字天祿故城人

成化甲午科省試解元乙未進士事實詳諫官類

明馬文榮

雲南寧州人

中成化乙酉科解元

明馬一龍字應圖號孟河江南溧陽人

嘉靖戊子順天鄉試解元事實見孝弟類

明馬從謙字益之號竹湖溧陽人

嘉靖辛卯順天鄉試解元事實詳諫官忠節兩類

明馬應義雲南大理府人

中嘉靖丁酉科省試解元

清馬晉錫江南六合人

中康熙癸卯科省試解元

清馬掄山東人

中康熙乙酉科省試解元

北直選舉

隋馬光 武安郡人

金馬柔德 三河人天會朝

馬伯祿 三河人大定朝

元馬德謙 沙河人至元朝

明馬致遠 滄州人洪武任亨泰榜

馬彝 永清人洪武胡靖榜

馬謹 新樂人宣德馬愉榜

馬顯 廣平人正統劉儼榜

馬桓 通州人俱天順黎淳榜

馬琪 寶坻人正隆朝

馬師周 臨城人正大朝

馬視遠 東光人至正朝

馬俊 豐潤人洪武張信榜

馬馴 內黃人永樂邢寬榜

馬經 東光人正統施槃榜

馬馴 永清人

馬孝祖 昌平人天順王一夔榜



馬

聰

故城人天順  
彭教榜

馬孔惠

東光人成化  
吳寬榜

馬

通

順天人

馬中錫

故城人

馬

銓

南和人俱成  
化謝遷榜

馬懋

順天人成化  
曾彥榜

馬

政

青縣人

馬子聰

廣平人俱成  
化費宏榜

馬

駿

樂城人弘治  
錢福榜

馬陟

順天人弘治  
毛澄榜

馬

清

武邑人弘治  
倫文叙榜

馬允中

鉅鹿人正德  
呂楫榜

馬

冕

肅寧人正德  
舒芬榜

馬永壽

青縣人嘉靖  
龔用卿榜

馬

慎

大城人嘉靖  
沈坤榜

馬汝松

東光人

馬

快

廣平人俱嘉  
靖秦鳴雷榜

馬文學

雄縣人嘉靖  
丁士美榜

馬

明

廣平人嘉靖  
申時行榜

馬允登

東光人隆慶  
張元忬榜

馬思恭

道化人萬曆  
唐文獻榜

馬經綸

通州人萬曆  
焦竑榜

馬從聘

靈壽人焦竑  
榜

馬之服

平鄉人萬曆  
楊守勤榜

馬中騶

東光人萬曆  
周延儒榜

馬任遠

永年人萬曆  
莊際昌榜

馬兆燿

永年人崇禎  
魏藻德榜

皇比... 皇比... 皇比...

皇比... 皇比... 皇比...

江南選舉

唐馬懷素

丹徒人高宗朝

宋馬亮

合肥人太宗朝

馬仲甫

合肥人仁宗朝

馬衷

武進人神宗朝

馬永卿

高郵人徽宗朝

馬友直

崑山人

馬蠡

常州人寧宗朝

馬貴玉

婺源人度宗朝

元馬信叔

全椒人仁宗朝

馬元康

武進人仁宗朝

馬隆

武進人英宗朝

馬永逸

高郵人神宗朝

馬迴

吳縣人

馬先覺

崑山人俱高宗朝

馬大原

婺源人理宗朝

明馬

驤

武進人洪武丁  
顯榜

忠

興化人永樂會  
榮榜

馬諒

和州人宣德曹  
鼎榜

馬琬

丹陽籍溧陽人

馬顥

山陽人俱正統  
商輅榜

馬愈

嘉定人天順彭  
教榜

馬岱

江都人成化羅  
倫榜

馬巘

江寧人成化李  
旻榜

馬繼祖

如臯人弘治錢  
福榜

馬慶

崑山人弘治毛  
澄榜

馬性魯

溧陽人正德楊  
慎榜

馬津

崑山人

馬津

徐州人俱正德  
舒芬榜

馬坤

通州人嘉靖姚  
涑榜

馬從謙

溧陽人嘉靖韓  
應龍榜

馬震章

溧陽人嘉靖秦  
鳴雷榜

馬一龍

溧陽人嘉靖李  
春芳榜

馬濂

無錫人嘉靖唐  
汝楫榜

馬顧澤

長洲人

馬近奎

貴池人俱嘉靖  
徐時行榜

馬貫

吳江人

馬洛

如臯人俱萬曆孫繼臯榜

馬玉麟

崑山人萬曆沈懋學榜

馬孟禎

桐城人萬曆趙秉忠榜

馬人龍

太湖人

馬呈秀

江都人俱萬曆楊守勤榜

馬如蛟

和州人天啟文震孟榜

馬世奇

無錫人

馬成名

溧陽人俱崇禎陳于泰榜

馬之瑛

桐城人崇禎魏藻德榜

馬瑞

無錫人崇禎楊廷鑑榜

謝安  
字安石  
陳郡陽夏人  
東晉名士  
官至宰相

謝靈運  
字靈運  
陳郡陽夏人  
南朝宋詩人  
官至永嘉太守

謝朓  
字暉之  
陳郡陽夏人  
南朝齊詩人  
官至宣城太守

謝朓  
字暉之  
陳郡陽夏人  
南朝齊詩人  
官至宣城太守

謝朓  
字暉之  
陳郡陽夏人  
南朝齊詩人  
官至宣城太守

謝靈運  
字靈運  
陳郡陽夏人  
南朝宋詩人  
官至永嘉太守

謝朓  
字暉之  
陳郡陽夏人  
南朝齊詩人  
官至宣城太守

謝朓  
字暉之  
陳郡陽夏人  
南朝齊詩人  
官至宣城太守

謝朓  
字暉之  
陳郡陽夏人  
南朝齊詩人  
官至宣城太守

河南選舉

隋馬

光

安陽人開皇朝

唐馬

炫

郊城人肅宗朝

宋馬從先

祥符人仁宗朝

金馬可臣

元馬祖常

光州人

馬祖孝

祖常弟延佑二年同登第

馬顏超

泌陽人順帝朝

明馬

魁

武陟人洪武丁

馬

驤

鄆城人庚辰胡

馬

驥

上蔡人永樂陳

馬

良

新鄉人永樂李

馬

嵩

陳州人宣德曹

馬文升

禹州人景泰柯



馬震 汲縣人 成化羅倫榜

馬琇 羅山人 成化謝遷榜

馬輅 陳留人 成化李旻榜

馬卿 林縣人 弘治顧鼎臣榜

馬紀 禹州人 正德舒芬榜

馬汝彰 汲縣人 嘉靖林大欽榜

馬斯臧 禹州人

馬翰如 陳留人 萬曆孫繼臯榜

馬猶龍 固時人 朱國祚榜

馬之圖 商城人 萬曆楊守勤榜

馬隆 鞏縣人 成化張昇榜

馬龍 陽武人 成化王華榜

馬龍 汲縣人 弘治朱希周榜

馬錄 信陽衛人 正德呂楠榜

馬敷 上蔡人 正德楊維聰榜

馬錫 尉氏人 嘉靖秦鳴雷榜

馬鈇 睢州人 嘉靖唐汝楫榜

馬慤 禹州人 萬曆朱國祚榜

馬從龍 洛陽人 萬曆翁正春榜

馬之麒 新野人 萬曆黃士俊榜

馬斯和

項城人

馬之駿

湖野人 俱萬曆  
韓敬榜

馬如周

祥符人 萬曆周  
延儒榜

馬呈德

祀縣人 崇禎陳  
子泰榜

馬剛中

商城人 崇禎劉  
理順榜

馬孔健

陳留人 崇禎劉  
同升榜



陝西選舉

明馬京 武功人乙丑科

馬馴 長樂人壬辰科

馬體元 秦州人

馬祥 同州人皆辛丑科

馬讓 朝邑人

馬駟 武功人皆甲辰科

馬旻 寧夏衛人巳未科

馬應龍 河州人辛未科

馬理 三原人甲戌科

馬汝驥 綏德人丁丑科

馬書林 高陵人巳丑科

馬自強 同州人癸丑科

馬慥 同州人甲戌科

馬逢臯 三原人癸丑科

馬鳴世 武功人

馬之陞 綏德人皆丙辰科

馬懋才 安塞人乙丑科

馬及時 綏德人庚辰科

<p>史漢</p>	<p>漢書</p>	<p>史記</p>	<p>漢書</p>	<p>史記</p>	<p>漢書</p>	<p>史記</p>	<p>漢書</p>	<p>史記</p>
<p>漢書卷之...</p>	<p>漢書卷之...</p>	<p>漢書卷之...</p>	<p>漢書卷之...</p>	<p>漢書卷之...</p>	<p>漢書卷之...</p>	<p>漢書卷之...</p>	<p>漢書卷之...</p>	<p>漢書卷之...</p>
<p>漢書卷之...</p>	<p>漢書卷之...</p>	<p>漢書卷之...</p>	<p>漢書卷之...</p>	<p>漢書卷之...</p>	<p>漢書卷之...</p>	<p>漢書卷之...</p>	<p>漢書卷之...</p>	<p>漢書卷之...</p>
<p>漢書卷之...</p>	<p>漢書卷之...</p>	<p>漢書卷之...</p>	<p>漢書卷之...</p>	<p>漢書卷之...</p>	<p>漢書卷之...</p>	<p>漢書卷之...</p>	<p>漢書卷之...</p>	<p>漢書卷之...</p>

江西選舉

宋馬

適

湖口人建隆壬戌狀元

馬憲

新淦人咸平庚子陳堯咨榜

馬遵

樂平人景佑甲戌科

馬康民

樂平人皇祐癸巳鄭獬榜

馬修輔

樂平人嘉祐丁酉章衡榜

馬順

樂平人治平丁未許安世榜

馬希孟

廬陵人熙寧癸丑余忠榜

馬駿聲

餘干人

馬存

樂平人皆元祐戊辰李常寧榜

馬之美

樂平人

馬辨

樂平人皆元符庚辰李釜榜

馬毅

樂平人政和壬辰莫儔榜

馬文虎

南昌人宣和甲辰沈晦榜

馬覺民

穎縣人宣和辛丑何真榜

馬待問

鄱陽人紹興辛未趙達榜

馬信卿

樂平人隆慶癸未木待問榜

馬夢炎

贛縣人嘉定癸未蔣重珍榜

馬韶

豐城人淳祐甲辰留夢炎榜

馬廷鸞

樂平人  
淳祐丁未張淵微榜

馬應雷

浮梁人  
咸淳戊辰陳文龍榜

明馬

俊

新建人  
宣德丁未馬愉榜

馬體乾

永新人  
天順丁丑黎淳榜

馬

炫

永新人  
成化壬辰吳寬榜

馬象乾

泰和人  
萬曆丁丑沈懋學榜

馬煥賓

南城人  
萬曆癸丑周延儒榜

四川選舉

宋馬

稱

天禧進士

馬逢

嘉祐進士

馬成

元符進士

馬受

崇寧進士

馬麒

馬犍

以上俱成都人

馬仲午

馬仲寅

俱仁壽人皆淳熙進士

馬淵

嘉定進士綿州人

馬觀國

乾道進士永川人

馬觀

紹聖進士

馬駿

建炎進士

馬涓

元祐三元

馬崇文

長寧人

馬檝

建炎進士達州人

馬玦

馬祖武

鄭人

馬昌彥



馬炳 紹興進士 嘉定人

明馬忠 洪武丁丑科 儀隴人

馬俊彥 永樂丙戌科 順慶人

馬信 永樂己丑科 閬中人

馬誠 天順癸未科 內江人

馬綸 俱成化丙戌科 皆內江人

馬自然 成化戊戌科 西充人

馬琴 成化辛丑科 成都人

馬廷用 成化甲辰科 西充人

馬良玉 弘治己未科 內江人

馬金 嘉靖壬辰科 新都人

馬溥然 嘉靖戊戌科 巴縣人

馬中驥 隆慶辛未科 內江人

馬麟 萬曆甲戌科 內江人

馬魯卿 萬曆庚辰科 新繁人

馬鳴鑾 崇禎戊辰科 銅梁人

馬朝錫 崇禎戊辰科 銅梁人

馬士驊 崇禎戊辰科 銅梁人

福建選舉

宋馬

驥

莆田人 乾道壬辰黃定榜

馬璋

淳熙丁未王容榜

馬任仲

建安人

馬滂

俱紹熙庚戌余復榜

馬萬里

慶元己未曾從龍榜

馬春卿

開禧乙丑毛自知榜

馬巖叟

嘉熙戊戌周坦榜

馬載

淳佑辛丑徐儼夫榜

馬康侯

咸淳辛未張鎮孫榜

明馬忠

福寧人 永樂甲申曾榮榜

馬鐸

長樂人 永樂乙辰狀元

馬馴

長汀人 正統乙丑商輅榜

馬明衡

莆田人 正德甲戌唐臯榜

馬森

懷安人 嘉靖乙未韓應龍榜

馬鳴起

龍溪人 萬曆庚戌韓敬榜

馬思理

長樂人 天啟壬戌文震孟榜



湖廣選舉

宋馬師文

茶陵人 大觀安  
七年榜

明馬

英

澧州人

馬

鑑棗陽人 成化吳  
寬榜

馬文盛

漢陽人  
弘治榜

馬

文永寧人 弘治康  
壽榜

馬

伋

江陵人  
隆慶榜

隆慶羅

山西選舉

明馬負圖

榜臨汾人胡靖

馬鸞

榜太平人李旻

馬騷

榜代州人倫文

馬出圖

榜遼州人諸大

馬洙

榜蒲州人焦竑

馬維駟

榜陽曲人翁正

馬呈德

榜大同人韓敬

馬逢造

榜垣曲人文震

馬

璠

榜安邑人謝遷

馬

馭

榜夏縣人毛澄

馬

藉

榜代州人姚萊

馬崇謙

榜安邑人沈懋

馬邦瑞

榜安邑人焦竑

馬諫

榜陽曲人楊守

馬斯人

榜孝義人錢士

馬鳴騷

榜垣曲人魏藻

雲南選舉

明馬

經

陸涼州人正統  
巳未進士

馬

文

金齒司人弘治  
乙丑進士

廣東選舉

宋馬

鵬 熙寧二年

馬希驥

淳熙八年

明馬

銘 永樂乙未陳循榜

馬

拯 永樂戊戌李騏榜

馬

綱 天順丙戌羅倫榜

馬

驄 成化壬辰吳寬榜

本朝進士

順治丙戌科傅以漸榜

馬孕昌 字孫麟

山西榆次人

馬纘緒 字義雲

山西安邑人

馬瑾 字公瑜

山西長子人

馬頤 字蓼龕

河南杞縣人

馬其昌 字遂良

河南杞縣人

馬嗣先 字寔書

河南睢州人

馬仲融 字木臣

陝西綏德人

順治丁亥科呂宮榜



馬鳴蕭

北直清縣人

馬雲舉

字嶠輪

江南崑山人

馬光裕

字玉筍

山西安邑人

順治己丑科劉子壯榜

馬廷贊

字大還

北直東光人

馬之駛

字通聞

北直東光人

馬燁曾

字觀揚

浙江平湖人

順治壬辰科鄒忠倚榜

馬如龍

字健公

山西澤州人

馬雲龍

字雲翔

陝西高陵人

順治乙未科史大成榜

馬光遠

字月生

山東大嵩衛人

馬光啟

字樸齋

山西安邑人

馬淑昌

字雪峰

湖廣蒲圻人

順治戊戌科孫承恩榜

馬中驥

字御風

北直東光人

馬豸

字憲侯

北直隆平人

馬晉尹

字謙箴

浙江餘姚人

馬如麟

字萊山

廣東澄海人

順治己亥科徐元文榜

馬璣 字裕菴

北直大城人

馬太士 字微菴

北直濬縣人

馬驥 字御書

山東鄒平人

馬光 字幼寔

山東鄒平人

馬絳帳 字竹湄

山西介休人

馬騶 字帖峰

陝西澄城人

馬芝 字友蘭

湖廣公安人

馬麟翔 字次貞

浙江海鹽人

順治辛丑科馬世俊榜

馬世俊 字章民

江南溧陽人

馬澄 字厚思

山東安丘人

馬鯤 字大千

河南儀封人

馬起龍

河南永寧人

馬象麟 字青藜

陝西三水人

康熙甲辰科嚴我斯榜

馬文璧 字員嶠

江南山陽人

康熙丁未科繆彤榜

馬班 字椒浦

陝西武功人

康熙癸丑科韓莢榜

馬孔懷 字豹佩

北直東光人

馬鳴鑾

字思訥

江南崑山人

馬希爵

字古修

河南輝縣人

馬翀

字漢蜚

浙江富陽人

馬天選

字磊齋

浙江建德人

康熙丙辰科彭定求榜

馬振古

字幼文

北直永年人

馬鳴鑾

字

河南項城人

馬鳴珂

字異聲

陝西朝邑人

康熙己未科歸允肅榜

馬教思

字檀石會元

江南桐城人

馬汝基 字恭菴

山東陽信人

馬體仁 字瑤菴

陝西高陵人

康熙壬戌科蔡升元榜

馬壽穀 字侏其

浙江嘉興人

康熙乙丑科陸肯堂榜

馬體乾 字臨川

河南杞縣人

康熙戊辰科沈廷文榜

馬文煜 字

江南宜興人

馬殷輅 字

河南商丘人

康熙甲戌科胡任輿榜

馬 璫 字 搢 公

山 西 安 邑 人

康 熙 丁 丑 科 李 蟠 榜

馬 象 觀 字 邵 菴

河 南 杞 縣 人

馬 龍 騾 字 菽 園

湖 廣 公 安 人

康 熙 庚 辰 科 汪 繹 榜

馬 振 龍 字 東 川

河 南 新 鄉 人

馬 元 勛 字 開 先

河 南 泌 陽 人

馬 楫 字 怡 齋

浙 江 平 湖 人

馬 楠 字 曉 韓

浙 江 上 虞 人

馬 國 屏 字 中 江

江 西 安 福 人

康熙癸未科王式丹榜

馬駿

字恒齋

北直安州人

馬汝為

字宣臣

雲南元江府人

康熙丙戌科王雲錦榜

馬豫

字觀莪

陝西綏德人

馬尹

字莘叟

江南常熟人

馬芝秀

字

直隸博野人

馬作肅

字子敬

山東樂安人

馬懋德

字

河南陳畱人

康熙己丑科趙熊詔榜



馬受曾 字念功

江南溧陽人

馬益 字惠莪

陝西綏德人

沈之...

沈...

沈...

沈...

沈...

沈...


沈...

馬氏名賢類輯卷之三目錄

名臣

名將

循良



馬氏名賢類輯卷之三

伏波公四十五世孫適元祗文氏纂輯

茗溪兄士修天一分輯

述元自申

同懷弟

遵元學庭

參訂

受會念功

姪

嫡姪

載鐸

庭杏心沂

復淳

校正

伏授

蔡授

仝錄梓

男

孔授

夏授

名臣

位無論崇卑秩無分內外功業無論大小議論無問  
顯晦要其人足名一世可爲後世法則所謂立德立  
言立功俱堪不朽者也若漢武帝時儒雅則公孫弘  
董仲舒質直則汲黯卜式推賢則鄭當時韓安國文  
章則司馬遷相如滑稽則東方朔枚臯應對則嚴助  
朱買臣奉使則張騫蘇武各自名家稱極盛焉吾宗  
名世之人雖不能見於一時然由歷代考之皆可詳  
記也輯名臣

名臣

漢馬良字季常宣城人

兄弟五人長季常次伯常仲常汝常幼常並有才名良眉中有白毛諺曰馬氏五常白眉最良昭烈領荆辟爲從事卽位以爲侍中及東征吳遣入武陵招納五溪蠻夷渠帥皆受印號子秉爲都騎尉

漢馬謖字幼常

越嶲太守好論軍計諸葛亮深器之以爲參軍亮率衆討雍闓馬謖送之亮曰雖共謀之歷今可更惠良規謖曰南中恃其險遠不服久矣今日破之

明日復反夫用兵之道攻心爲上攻城爲下心戰爲上兵戰爲下願公服其心而已亮納其言

謾贈亮言洵爲至論亮之深器而納其言是也至街亭之敗用秦穆赦孟明故事可耳蜀勢日傾蜀才日少而乃流涕斬謾過矣夫法立而不權以八議之仁此申韓之所爲也前輩謂子房之學出於黃老孔明之學出於申韓信夫近世張魏公之斬曲端趙哲乃效孔明所爲尤非也

漢馬羨

青州刺史順帝命八士巡歷天下羨爲八使之一

晉馬魴

張軌遣兵詣長安涼州主簿馬魴說軌宜命將出師翼戴王室軌從之馳檄關中共尊輔秦王

晉馬岌

趙王曜自隴上西擊涼州涼州大震參軍馬岌勸張茂親出拒戰長史汜暉請斬之岌曰汜公糟粕書生不思大計明公父子欲爲朝廷誅曜有年矣今曜自至遠邇觀公此舉當立信勇之驗以副秦隴之望力雖不敵勢不可不出茂曰善乃出屯石頭



唐馬彝

扶風人

彝爲曹王舉募府以正直稱張柬之有園在襄陽  
舉嘗宴集將士欲取之彝曰漢陽有中興功今遺  
業當百世共保柰何使子孫鬻乎舉謝曰主吏失  
詞以爲君羞微君安得聞此言

唐馬載

荏平人

周子咸亨中爲司徒少常伯與裴行儉分掌選事  
言吏部者稱裴馬焉終雍州長史

唐馬炫字弱翁汝州郟城人

燧兄少以儒學聞隱蘇門山不應辟召至德中李

光弼鎮太原始署掌書記常參軍謀光弼器焉遷  
刑部郎中田神功帥宣武署節度判官授連潤二  
州刺史以清白顯授刑部侍郎以兵部尚書致仕

唐馬伉

爲侍讀持節弔李抱真歸之帛不受醴泉令缺德  
宗曰前使澤潞不受帛者其人可用也授醴泉令

五代馬文義

仁裕子建州之役將吏爭入府庫取金帛文義獨  
收民籍歸幕遷讚善大夫歿之日子禹昌纔二齡  
同官憐其貧贈賻特厚妻朱氏一無所受



宋馬元方字景山濮州鄆城人

淳化三年進士知萬年縣諸將討李繼遷關輔轉  
餉踰瀚海多死亡獨元方所部全十九以勞遷大  
理寺丞爲御史臺推勘官遷殿中丞戶部使陳恕  
奏爲判官元方言方春民貧請預代庫錢至夏秋  
令以絹輸官行之果便因下其法諸路知徐州改  
太常博士梓州路轉運使後知鄆州量括牧地數  
千頃爲京東轉運副使又爲西京轉運使知應天  
府累遷太常寺少卿擢右諫議大夫後知開封府  
以樞密直學士知并州留再任賜金帛詔中書諭

以委屬之意官至兵部侍郎卒

**宋**馬揚字伯鷹東平人

宣和中及第爲御史以直言廢博學才辨人多重  
之

**宋**馬伯祿字天祿三原人

幼志學事繼母以孝聞登大定二年詞賦進士任  
武清籍調龍水令同知北京路轉運使南京提刑  
侍御史所至皆以清直能幹聞後知河中府卒謚  
忠貞

**宋**馬仲甫字子山合肥人

亮子進士知登封縣轅轅道險厄隧傭民鑿爲坦途人便其行歷知瀛秦亳許揚五州所至興利除害時稱能吏爲法運使漕運經泗上浮長淮歲患風波覆舟仲甫建議鑿洪澤渠六十里漕運便之後拜天章閣待制

宋馬從先字子野祥符人

少盡力於學性嚴謹雖盛夏不袒跣舉進士累官太常卿知宿州會大水從先發廩以賑流亡全活者數十萬改知壽州以老辭英宗日聞卿治行籍甚壽尤重于宿姑爲朕往旣至民不失望後以工

部侍郎致仕

宋馬熙載

西安人

元符初進士累官中書侍郎與時相王黼不協罷知亳州

宋馬大同

嚴州建德人

紹興中進士官至戶部侍郎每奏對輒陳恢復大計歷官中外必求盡其職

宋馬政

綱鑑 宣和元年遣武義大夫馬政浮海使金約夾攻遼預請燕雲之地致書於金主曰日出之分實生

聖人竊聞征遼屢破勁敵若克遼之後五代時以  
入契丹漢地願畀下邑 冬十月馬政以金散騎  
來報書曰所請之地今當與本朝夾攻得者自取  
不在分割之議 宣和元年詔馬政復如金議夾  
攻遼以取燕雲政出使外邦不辱君命而潔已鎮  
物有古大臣風



上德不德

是以取禍

不若守德

夫君子之

德也

遼馬得臣

南京人

好學博古善屬文尤長于詩保寧間累官政事舍  
人翰林學士嘗預朝議以正直稱乾亨初宋師屢  
犯邊命爲南京副留守復拜翰林學士承旨聖宗  
卽位皇太后稱制兼侍讀學士上閱唐高祖太宗  
玄宗三紀得臣乃錄其行事可法者進之及扈從  
伐宋進言降不可殺亡不可追二三其德者別議  
詔從之俄兼諫議大夫知宣徽院事時上擊鞠無  
度上書諫阻帝閱奏嘉歎良久未幾卒贈太子太  
保詔有司給葬

史贊得臣引唐虞之治以諫其君由其明經致位忠

蓋若此宜矣

元馬紹字子卿濟州金鄉人

少從上黨張播學世祖命選儒士講論經史以資見聞張啟元以紹應詔授左右司都事出知單州民刻石頌德至元十年僉山東東西道提刑按察司益都寧海饑紹發粟賑之十九年詔割隆興爲東宮分地皇太子選署總管召至京師爲刑部尚書二十四年分立尚書省擢拜參知政事賜中統鈔五千緡時更印至元鈔杜璠言至元鈔公私非

便時以璠阻撓鈔法欲置重典紹曰國家導人使  
言言可采用之不可采亦不之罪今重罪之豈不  
與詔書違戾乎璠遂得免尚書左丞親王戍邊其  
士卒有過支廩米者帝欲加罪紹言方邊庭用兵  
罪之恐失將士心所支踰數者當嗣年之數可也  
制可宗親海都作亂其民來歸者七十餘萬散居  
雲朔間桑哥議徙之內地就食紹持不可桑哥怒  
曰馬左丞愛惜漢人欲令餓死此輩耶紹徐曰南  
土地燠北人居之恐生疾疫若恐餓死曷若計口  
給羊馬之資俾還本土則未歸者孰不欣慕帝如

紹言桑哥集諸路總管三十人導之人見欲  
辦財賦之多寡爲殿最帝曰財賦辦集非民  
竭必不能然朕之府庫豈少此哉紹退至省  
聖訓使太史書之議增鹽課紹獨力爭山東  
可增議增賦紹曰不節浮費雖重歛數倍亦  
也事遂寢桑哥敗跡索其籍閱之行賂者滿  
無紹名桑哥悔曰吾早信馬左丞之言必不  
元貞元年遷中書右丞大德四年卒

明馬世熊

臨淮人

累官至營田使廉靜不妄取予及卒太祖親爲文祭之

明馬廉字原清青陽人

幼有志操博通經史洪武初詔授德清丞招徠流離撫綏凋瘵甚得民心旣而調丞壽陽有候卒於廢寺得埋金以進廉命簿錄其數藏於官帑後歷山西按察司副使在官讞獄詳明民無冤滯以親老請謝政詔進一階致仕卒鄉人私謚曰孝廉

明馬政字公敏青縣人

性穎悟博學能文登進士第授翰林檢討歷興岷楚三府長史善爲詩有魏晉以來風韻見人過惡輒面斥之卒以峭直忤權貴致政歸雅好吟咏尋疾卒詔進朝議大夫鄉邦咸思慕不衰云

明馬顯

· 廣平人

正統壬戌進士授戶科給事中己巳之變顯扈駕北征幾沒於陣景泰初進都給事中適權奸用事顯指陳得失多所裨益尋忌者出爲河東都轉監運使鹽法流通國計充裕擢四川左布政使時蠻寇猖獗境內驛騷顯贊畫戎務調度軍餉蜀人賴

以帖然成化庚寅擢南京兵部右侍郎值歲大祲  
奉詔巡視鳳陽等郡卹民瘼撫窮獨擊奸慝民賴  
安堵轉左郎告老卒顯居家孝友忠厚稱重鄉邦  
出處大致不愧古人

**明** 馬諒字子諒和州人

正統間官至山東左布政使司左參議始至巡行  
郡邑訪庶政得失察百司賢否時降虜安置山東  
者欲乘機爲亂諒集衆諭之衆咸帖服民有感於  
後妻欲寘子於法者諒諭其父曰爾子凶德乃吾  
屬教令之失非由爾之罪父母感悟請釋還爲孝



子凡疑獄久不決者一訊卽服於負寃者尤爲辨  
雪終戶部侍郎

明馬恭

唐縣人

由舉人授杭州府推官正統二年授陝西道監察  
御史八年奉命往陝西巡邊尋又奉命協贊延綏  
等處軍務九載任滿陞都察院右僉都御史仍理  
前事景泰二年以殺賊功陞右副都御史恭在邊  
十餘年軍政修明士民悅服四年以老疾致仕卒  
遣官諭祭

明馬聰

永新縣人

景泰五年進士除山東道御史建言下獄謫處州府推官陞河南參議卒於官遺囑其子曰貲不必計饒乏惟其人之有德命不必論修短惟其心之無愧

明馬謹字守禮新樂人

以進士授監察御史嚴毅方正得憲體陞驗封司郎中遷湖廣右布政時廣西苗賊出沒奉勅督率官軍追勦直抵銅鼓五開賊遂遠遁景泰中陞左副都御史巡撫河南天順初致仕於家謹爲人有執守在驗封吏役補撥杜絕請託一以公道處之

士論稱焉

明馬璇

平湖人

由天順甲申進士任行人使山西河南四川湖廣諸藩砥礪名節餽遺一無所受陞南京雲南道御史嚴毅正直不避權貴行部所至百職震懼因其姓稱曰誠驄馬御史也以直聲聞於朝

明馬紹榮字宗勉號景范常熟人

登天順壬午鄉舉明年試禮部春闈災不第嘗師事松江錢學士溥因主錢氏塾錢公憲廟舊學也恩遇異重方英廟駕危人情不寧一日中貴人王

某攜酒過錢公王與朱奎同侍東朝皆錢公弟子  
錢公旣僚長人目爲儲相當路意東朝一出必出  
已位而三人一日飲食相聚乃置偵於酒間莫之  
覺也酒終而難作明日三人詔獄中以飛語朱奎  
地卑備楚五毒初貴人之來也錢命紹榮主酒力  
辭是時苟側坐刑在紹榮矣獄久不解客有自牆  
外投箋者書曰此公少之也足下如何不見幾紹  
榮私自念曰少抄也豈遂籍錢公耶苟有之塾師  
不坐講誦自如錢公夫人令人致詰答以他故未  
幾錢得貶爲令方錢在獄妻子不知所爲家人履

屬擔簦視紹榮爲去留一搖足無其家矣時人服其長者錢公旣去乃主陸郎中昶成化元年試書中選預修英廟實錄授中書舍人十五年陞吏部驗封司員外郎給假還蘇弘治元年取修憲宗實錄二年陞山東左參議四年以實錄功陞太常寺少卿憲宗朝常有急勅夜宣館中館中人皆醉惟紹榮奉詔簪筆上殿書麻稱旨同官得無罪明日諸公皆賦詩賀紹榮居官三十年以清謹聞雖屢遷外階必居內閣嘗一署尚寶司事未幾卽還弘治十四年卒於官勅賜祭葬

明馬體乾字自強永新縣人

天順元年進士除陝西道御史建言忤權貴謫靈壁縣知縣丁憂服闕復除華容縣知縣陞黃州府同知累官至陝西提學僉事疏請終養

明馬銓字秉衡南和人

生有異質博學強記登成化乙未進士授戶科給事中識達大體多所建白陞湖廣右參議襄人有訐奏親藩者撫按委勘之銓但治撥置者事上竟得寬典

明馬龍

齊東人

成化間任刑科給事中左遷岐山莊政公勤撫字  
有方官至都御史

明馬鸞

山西太平人

登成化甲辰進士授行人晉江西道御史差陝西  
清戍時有典兵者驕不順法鸞劾之陞山東按察  
司僉事海防兵備豪宗大姓歛手避之百姓安堵

明馬孔惠字孝卿東光人

成化壬辰進士初授兵科給事中歷轉都諫事中  
剛正自持彈劾不避凡所條陳多裨時政以諫中  
官忤旨左遷福建布政司參議

明馬昆字克昌平湖人

成化乙未進士初授永豐令清勤律已興學校斷  
疑獄案牘無滯峒獠猖獗殄其元惡境內安堵積  
粟賑民全活甚衆九年以卓異擢監察御史疏劾  
諸大臣不職理兩淮鹽法治濟河革弊恤患商民  
頌之陞雲南副使卒昆剛介孝友恤族周貧撫遺  
育才恩意浹洽惜位不滿德焉

明馬廷用字良佐西充縣人

成化戊戌進士改翰林院庶吉士授編修丁未同  
考試官陞侍讀充經筵官陞侍讀學士南京禮部



右侍郎生平敦朴樂易而所存鯁介臨事能斷在  
南京嘗攝戶部會江北大饑流民渡江就食者相  
屬獨持議發廩不俟奏請全活甚衆學遠於易喜  
爲詩文致仕尋卒賜祭葬如例贈禮部尚書子金  
官至布政僉官至知府

**明**馬應祥字公順西安咸寧人

自幼穎異弘治己酉舉鄉試第二人丙戌登進士  
觀政戶部其年秋犒金甘肅有以羨餘言者叱去  
秋毫無所苟明年授河內知縣河內素稱難治至  
則加意撫循暇則課諸生手校文藝公庭之上吏

胥縮首重足明年以母喪歸百姓涕泣送者如市  
服闋補徽州歙縣歙地健訟好交結貴人爭地數  
尺輒費千金不勝不止至則持之以靜不枉道以  
徇人郡有殺人者久不可得先期齋戒禱越國汪  
公祠下曰神許我得其情則雨是夜果雨明日啟  
死者棺事中諸人羅跪見一鼠自棺出入跪者一  
人衣底私念曰此神示也乃指其人曰殺人者汝  
其人色動推究果服於是有神明之稱召拜吏部  
稽勲主事丁卯陞文選是時權貴用事旣無干謁  
亦不矯激惟經然自守尋陞稽勲署員外郎督學

湖廣鑒別之精予奪之公諸生悅服辛未遂改督  
屯河南復以母喪歸服除改兵備陳睢在陳睢一  
年積贖罪米粟千石及銀千餘兩儲諸府庫立之  
卷籍以爲官需尋丁父喪起改山西督屯是時屯  
田子粒負欠三四年併徵實難詳請撫按許他物  
相準卽以給諸士卒甫三月完者十之六七尋擢  
山西按察司副使旣至未久入賀卽上疏乞休與  
朋好詠游山水飲酒賦詩搜奇抉巧句不驚人不  
已風流慷慨翛然物表以上壽考終

明馬卿字敬臣林慮人

弘治乙丑進士歷戶科給事中嘗劾內官逆瑾不法出守大名適薊盜猖獗大名者盜數出沒之境卿始抵郡首檄諸州縣繕城濬隍收官莊寺銅佛像鑄爲戎器募膂力者別爲隊伍擇縣令陳智爲長總領團練之法定賞格以訓練軍士人皆効死聲震河朔閭盜出東境不敢犯逆瑾嘗加賦大名已輸入官卿請籍爲下年正額之數詔許之卿先爲給事時遼東寧杲自御史陞僉都御史已除籍時薊盜起復賂閹宦求復官擊盜言官連名入薦卿聞奮袂言曰世果無人寧用鴛如卿者可也可

復令杲壞朝廷事耶既而卿出守久之杲果以僉  
都御史巡撫真定杲至頗侵之欲中以危法令供  
軍需二千卿曰必得印信文移乃可卒如請竟不  
得間既而杲敗卿聲名益彰累官漕運都御史

**明**馬繼祖字崇功如臯人

弘治庚戌進士屢進監察御史激厲風節寮吏肅  
然素爲劉瑾所惡勒令致仕以禮經傳授鄉閭知  
名士多出其門

**明**馬騃字世用號梅軒山西夏縣人

弘治丙辰進士初授行人奉使周邸未幾選工科

給事中馬端肅公見其諫草驚曰董賈未之或先也尋轉左給事儀觀峻整進退中度孝宗眷愛之奉勅清屯田於蜀事竣還朝益侃直不避權貴竊論李廣之黨宜窮治外戚之權宜禁戢諫官吳舜之狂直宜包容皆時政切要者武宗卽位賜白金文綺擢刑科都給事中正德戊辰廷試掌試卷時宰臣某與逆瑾結納勢焰方熾衆觀望意指欲以其子魁天下獨憚駮抗直駮得涇野呂公卷倡言宜首選已而涇野竟得第時逆瑾用事駮以職當盡言不少避忌有附瑾新入爲給舍者對賓僚誇

毗甚有矜色駢以無恥詫之客皆縮舌先是逆綵  
拜瑾爲義父驟入銓衡駢自蜀還與綵父宿同驛  
館不與交一語綵聞之以爲慢已會時宰夙憾駢  
遂乘以搆毀出爲淮安府推官先是流賊逼淮境  
駢規畫嚴密賊知淮口不可渡竟遁去時陶恭介  
疏薦於朝委之儲備軍粟旬日得金四千有奇士  
民告保留者萬餘人瑾黨旣誅海內以駢當得殊  
擢然僅轉同知松江都御史王力薦之會丁外艱  
歸中途有擢守饒州之命服闋補鄖陽守敦風振  
俗屠奸剪弊鄖陽之人無遠近皆忻然昭蘇駢先

在朝時有說騷宜少貶從容者正色曰窮通顯晦命也如命何平生以直道忤權貴用是仕路蹉跎然天下以是重之嘉靖九年卒年六十有五

**明**馬應龍字公濟和州人

弘治乙酉舉人正德辛未進士除戶部主事值流寇劉七等寇河南上命督餉以給軍事賊平賜銀幣勞之踰年蜀盜尚未平命都御史彭公澤西征仍以應龍參軍督餉彭公乃以延綏臨鞏洮岷兵馬付應龍自爲一支遂有中江之捷後至漢川賊突至城下奮然提所部兵往勦之大戰於三渡水



親斬劇賊一人士卒奮擊所向披靡斬獲四百餘級而中多渠魁軍中皆以文武全才目之捷上再賜銀幣陞俸一級班師後又督糧宣大陞郎中尋奉勅督理遼東糧儲尋以病乞歸許之辛巳復除本部郎中至京數上言邊事上允行之嘉靖元年陞山東按察司副使整飭霸州等處兵備霸州素爲盜藪又多中貴勲戚莊宅兼并侮法吏不敢捕至則肅貞憲度振揚威武得勇敢千人訓以坐作養以銳鋒又積粟萬二千餘石以備緩急不數月間石泉房景玉陳奎梁臣等七百餘人洎窩主盧

進胥銳二十餘家先後俱獲而奸豪白鉞白景方等處以重法不通請謁民皆設位祠祀巡撫孟公春以治狀聞有鑿金文綺之賜宿有疾疾章九上乞歸不允丙戌冬疾劇忽有四川按察使司之命而竟不起爲士林所惜

明馬性魯字進之江南溧陽人

正德辛未進士初官兵科給事中正色議論多所裨益廷斥權貴錢寧驕橫寧類悉銜之自是陰結文寮流言冢宰謫官開化縣開化雖衢之屬邑其西江西界也交界盤山聚汪汪水激山崩石夾土

多沙金居民爭之格殺兩藩據險負固哨聚踰萬人彼此格越文移倅然難致緩將釀成巨寇當路以爲憂檄公圖之乃召近鄉士類易服隨數童弱人輕騎至其處若商游者與之易金因得延款各道衷曲公徐諭之曰沙金較種田所獲何如曰不類有偶獲數倍者有終日淘取空回者曰勞逸較之何如曰均一勞也樹藝久而此暫公曰安危禍福較之何如曰種田無禍公曰一家子女骨肉團團而今則晝起相殺夜不帖席不若散歸種田樂也曰得罪於官府恐不免矣公曰吾力倘能挽若

輩於罪能從之乎衆曰安可得也公知其願欲乃  
曰吾若父母官所親耳翌日入若邑說某自來招  
撫若等勿疑懼他變衆且具餼酒懇請且許分金  
致謝別去旣翌日公盛張鼓樂旗彩牛酒竟詣之  
使前從行公復微服先往招之曰邑令來矣若等  
頭領者率衆與吾伴俱來吾報若令及見卽公也  
衆羅拜崩角請死公笑而慰勞曰良民一時趨小  
利至此耳何罪乎椎牛絮酒公與士類舉觥先酌  
令衆民洪恣懽暢更雜以俳優劇戲以快其心目  
鄰藩之人聞者亦至其頭領膝而前公大喜曰猶

吾民也慰勞飲食如之哺始言歸送者填道烈炬  
滿山懽呼踴躍各焚茅窩荷鍤散去開化遂寧轉  
福建順昌縣悉毀淫祠修葺公廨作飛龍橋先代  
原有橋圯廢百餘年掘地得碑文刻剝落不可辨  
識但一馬氏宛然人以爲興復有主前定不爽者  
耳陞河南汝州簡繁去苛政治大行官至尋甸太  
守今祀順昌汝州名宦祠

明馬津字宗孔徐州人

蕙裔孫正德丁丑進士任餘干令宸濠反從王守  
仁征討宗致良知之學豁然有悟濠旣誅特拜御

史抗疏直言風裁凝峻尋遷大理寺丞出爲福建  
提學副使端已率物秉經貞教士皆誠服以疾乞  
歸日究心聖學所著有克復諸篇

明馬煥

山陽人

嘉靖戊戌進士授刑部主事典十三省章疏時有  
勲戚跋扈分宜受賄囑解免煥執法不阿遂矯旨  
被逮乃作四懷詩自遣嵩敗起用以疾解組歸詩  
有淮南近集

明馬紹英

山西安邑人

嘉靖乙卯舉人歷官戶部主事權揚州關減稅惠

商一塵不染卒於任至不能辨後事當道贈賻乃  
得歸櫬

明馬錄

信陽人

嘉靖間巡按山西彰善癉惡無忝鐵面英標氣節  
一時瞻仰

明馬震章字國華號梅莊江南溧陽人

嘉靖甲辰進士筮仕刑曹以欽恤爲本與中丞唐  
本溪曰吾少時讀酷吏傳輒數日不愜意今在西  
曹於作律之意務求所以自律者而不悖焉斯可  
矣中丞曰公殆古仁人哉踰年疏刑兩河洗寃出

滯釋無辜者數百人時山東青州盜起兩臺素知  
公才能遷按察司副使不日有節鉞之命公決意  
投閒從司成公孟河御史狄環溪輩爲山林八節  
之會論者以司馬君實耆英會相方云

明馬明謨

隆慶朝御史條陳四事一嚴征賦之期二覈扣存  
之數三重侵冒之罰四復屯鹽之舊知無不言言  
無不盡直聲著於朝野

明馬怡字順甫同州人

自強長子隆慶丁卯舉人儀表雋爽美鬚髯少嗜



學善書得二王法歷官山東參議備兵臨清約已  
勵屬詰戎兵繕橫舍汰備倭士卒千人歲省萬餘  
金居年餘以稅璫譟激商民竭力安輯尋引疾歸  
爲林墟之適生平孝友勤儉圖書外無長物

明馬慥字顧甫

自強次子進士歷官兵部武選郎中時國家承平  
日久官常廢弛曹務多出胥手慥畢精任事力剗  
諸蠹不避勞怨以此爲朝廷所器尋遷南尚寶寺  
卿遘足疾予告居常杜門謝客人病其簡倨慥曰  
吾非不知集交廣益第家君與婦翁皆居政地以

交遊累尊人毋寧簡倨我耳其匿名遠勢如此生平好學病中手不釋卷旁貫異聞尤晰當世之務惜以未疾不得大竟其用有文集四卷行世

明馬邦良號象湖富陽人

進士以戶科外補副使萬曆二十四年鎮福寧渾厚精明下情悉達軍民德之遷甘肅太僕卿士民叩關保留建祠祀於西郊

明馬朝陽 太原人

萬曆朝進士累官四川兵巡道征楊應龍有功請假歸絕客課子巡方喬允升嘗詣其廳事求一面

久之終不可得

明馬之陞字耀寰綏德州人

萬曆丙辰進士秩大理評事多所平反權關九江  
裁加耗之稅稍有羨餘卽充正項支用守吉安大  
名分巡冀寧驛傳荆楚時募榆兵之悍者直搗流  
寇寇驚遁攝廉憲則抑奔競崇恬靜不法者望風  
而靡之陞居鄉孝友賑貧恤難鄉人至今稱之

明馬人龍字霖文太湖人

萬曆甲辰進士授戶部主事以犒邊奏績奉命權  
潯江稅賈人德之陞湖廣黃州守調武昌治聲益

著轉本省督學副使校士公明衆論肅服轉三關  
兵備轉粵西桂林道時苗獠大訐人龍修戰艘繕  
城郭禦之轉楚右藩有楚才錄蕉園草行於世

**明**馬孟禎字泰符號六初直隸桐城人

萬曆戊戌進士初授分宜令飲冰茹蘖政拙催科  
時以部欠被督幾不測令下士民勸勉輸將數年  
積逋三日卽具巖邑六年清風兩袖未嘗走一力  
通一問於長安諸貴覲後署南部不邀譽譽亦弗  
及江右鄒萬諸君子昌言爭之乃得入西臺謝絕  
餽遺稱舉俱屬老成彈劾不避強禦如摘制科之

弊剪左道之惑辨代藩之立爭福府之田疏凡百  
七十八上直聲震一時巡視銀庫奏免報羨按鹺  
長蘆水蘖如今時持斧東海攬轡澄清貪墨吏皆  
望風解綬去時福藩之國千里內鷄犬無擾者繫  
公力也行取改部鳴寃宥忤當事者意乃誣以潛管  
辛亥內察例轉粵臬公辭不拜依子舍娛丘壑爲  
終焉之計熹廟初衆正盈朝薦起公光祿尋進太  
僕逆璫盜柄入幕皆公所彈劾人以公爲東林領  
袖云公素與左中丞善譖於璫加削奪焉時人心  
恟恟公無毫髮見色爲左理後事更以孫女婚其

孫有以周蓼洲受禍相推者公不爲動也

見頌天臚筆

附記東林馬氏凡六人

馬孟禎

馬德澧

平湖人

馬鳴世

武功人

馬鳴起

龍溪人

馬之驥

益都人

馬任遠

永平人

明馬應圖號廓菴平湖人

賦性耿介矚然不與俗伍登萬曆丁丑進士初授行人尋轉比部欲便迎養改南京儀部陞郎中因見主權旁落有激於中慷慨極言語侵政府謫大同尉丁憂服闋轉封丘尹惟攜一僕蒞任年餘陞比部請告歸行李蕭然恬不爲意居家非公事不

至公庭有司推重甚至衣食不能自周親友有勸其通融者卽怫然曰寧清貧毋濁富臨歿時幾不能成殮其清操砥行真不愧四知云

明馬思理字達生長樂人

天啟壬戌進士擢兵科給事中知無不爲查覈邊鎮兵馬歲省金錢三十餘萬轉工科兼巡青州適權璫張彝憲總理戶工錢糧自司徒以下謁見行屬吏禮思理抗之彝憲怒尋以草場災劾奏下廷尉會舉朝交章力救免歸及召還歷官至右通政適宮詹黃道周廷杖下獄監生涂仲吉抗疏救之

廷臣疑係思理主使後拷文震亨供爲道周同黨  
同楊廷麟陳天定董養河等俱下獄東宮密解乃  
救出思理避居海濱不食而卒

明馬懋才字靖江安塞人

幼負穎姿登天啟乙丑進士授行人以禮部郎中  
陞西蜀參議撫治苗蠻諭以恩信叛者釋甲請降  
旣免官居長安尋卒公生平豪放自適不以利名  
縈懷爲行人時陳延安災荒疏數上詔發帑遣賑  
延人至今德之居鄉孝友睦婣有長者風

明馬鳴世號岫旭武功人



進士初任山西洪洞縣令凡五年操比懸魚惠同  
馴雉去後四民謳吟思慕建祠肖像社而祝之刻  
有仁民錄口碑錄以治行卓越徵拜山東道御史  
尋以請假歸時魏璫方竊弄威福楊左諸君子羣  
起攻之公在山中讀邸報輒爲髮指甲子年入都  
陛見之日正目覩昌言諸大臣紛紛削籍每仰屋  
長歎奉命代狩東省璫勢焰絕撫按大吏爭借題  
獻諛如漢廷頌新莽章滿公車或諷公魯人獵較  
柰何獨違衆以捋虎鬚公笑而不應察吏安民之  
外語不及私絕無一字相通問餽初公巡視皇城

工部敘大工疏首列公名內用硃抹去功而不賞  
璫已藏怒待之矣公詢之政府晰其底裏意考核  
疏上必處分及奉旨仍回道管事蓋璫猶姑爲寬  
假以冀招徠公屹然不動迨題差巡視京營遂有  
另推來看之旨逆璫顯示河魁在握予奪榮辱反  
掌間公漠然終若不解其意者及題差宣大竟矯  
旨削奪矣公自省方恥爲效顰已拚一官謝之至  
此而甘心願受曰固也吾日夜以望譴之及也去  
國一身高名千古海內識與不識莫不想望其丰

采云

見頌天臚筆

明馬雲輝

真定人

力學通經以儒士薦用歷仕賢能不失民望官至  
湖廣參政

明馬麟

山東右布政使司惠澤及人持法不撓司屬敬畏  
黎庶獲安

明馬祥字文瑞同州人

博學能文士林稱關西夫子歷官山東轉運使確  
清有體民有清清鹽海清見底之謠

清馬逸姿字雋伯陝西武功人

鼎山館覽類轉

卷之三

清馬國楨字貞菴奉天籍山東蓬萊人



名將

自馬服君肇封而後傳至新息侯代有將材吾祖勲業未墜不獨扶風郡王慨然於馬革裹尸之語也其上者封王侯其次者爲將軍爲節度爲經畧防禦各有戰功唐熊執易武陵王神道碑謂南郡爲孔門木鐸而馬氏之文教興伏波爲漢室天柱而馬氏之武功啟至今兩陝間其人多勇敢而知戰陣名將多出焉蓋其起家淵源實有所自歟輯名將





名將 已見王爵烈侯忠節類者不重出

漢馬續

永寧間 張掖太守韓浩爲校尉兩河間羗以屯田近之恐必見圖乃解讐詛盟各自儆備續欲先示恩信乃上移屯田遠湟中羗意乃安永初元年遷度遼將軍續典邊日久深曉兵要嘗降右賢王部萬三千口

唐馬舉

舉將精兵三萬救泗州八軍三道渡淮至中流大譟聲聞數里賊大驚歛兵屯城西寨舉就圍之縱

火燒柵賊衆大敗王弘立死吳迥退保徐城泗州  
之圍始解 冬十月馬舉克濠州

通鑑

唐馬實

生幽州其先扶風人

明陰符經善司馬法起家爲范陽軍籍本軍疑政  
畫多自出遷萬夫長三軍兵事使莫州近邊戎馬  
爲害本軍元帥請統鎮之戎遠遁拜御史中丞莫  
州刺史後留近侍拜左驍衛將軍

德宗將幸梁州山南節度使嚴震聞之遣使詣奉天奉迎又遣大將張用誠將兵五千至盩厔以來迎衛用誠爲懷光所誘陰與之通謀上聞而患之會震繼遣牙將馬勛奉表上語之故勛請亟詣梁州取嚴震符召用誠還府若不受召臣請殺之上喜曰卿何時復至此勛刻日時而去旣得震符請壯士五人與之俱出駱谷用誠不知事泄以數百騎迎之勛與之俱入驛時天寒勛多然藁火于驛外軍士皆往附火勛乃從容出懷中符以示用誠

曰大夫召君用誠錯愕起走壯士自後執其手擒  
之用誠子在勛後斫傷勛首壯士格殺其子仆用  
誠于地跨其腹以刀擬其喉曰出聲則死勛入其  
營士卒已擐甲執兵矣勛大言曰汝曹父母妻子  
皆在漢中一朝棄之與張用誠同反於汝曹何利  
乎大夫令我取用誠不問汝曹無自取族滅衆皆  
讐服勛送用誠詣梁州震杖殺之命副將領其衆  
勛裹其首復命于行在愆期半日由是百官從行  
者得入駱谷

梁馬嗣勲

濠州鍾離人

少事州爲客將材武智辯梁太祖始攻濠州刺史張遂遣嗣勲持牌印降梁楊行密攻遂遂又使嗣勲乞兵於太祖梁兵未至濠州已沒嗣勲無所歸留事梁太祖以爲宣武軍元從押衙太祖西攻鳳翔行至華州遣嗣勲入說韓建出降天祐二年羅紹威將誅牙軍乞兵於梁梁女嫁魏適死太祖乃遣勲以長直千人爲綵輿入魏致兵器於輿中聲言助葬嗣勲館銅臺夜與魏新鄉鎮兵攻石柱門入迎紹威家屬衛之乃益取魏兵攻牙軍牙軍不

知兵所從來莫能爲備殺其八千人遲明皆盡太祖卽位嗣勲以積勞卒太祖哀之贈太保

五代馬仁裕字德寬徐州人

北平王燧裔孫仁裕母方娠夢傳呼北平王來歸及生紫氣充庭數歲學兵法通解若素習遇亂南奔與周宗曹棕同事烈祖烈祖領潤州仁裕監蒜山渡首聞朱瑾之亂馳入白之烈祖渡江定亂以功遷左領軍將軍歷楚州刺史右金吾衛大將軍烈祖以女妻之是爲興國公主禪代後拜鎮海軍節度使徙昭順軍爲政寬簡廉平甚得民心昇元

六年卒謚曰匡年六十初烈祖左右親信者惟周宗仁裕二人仁裕既與宗等力贊革命事烈祖心德之眷賚益厚常宴勲舊於天泉閣仁裕以舊恩特預禮數恩命與李建勲輩埒未幾復宴宋齊丘周宗於英崇院獨仁裕與俱道舊爲樂餘將相都不能及然仁裕能避遠形跡斥外權勢終烈祖之世退然安於外鎮過咎不聞晚益貧窶不悔也

五代馬全節字大雅大名元城人

廢帝時蜀人攻金州州兵纔數百全節散家財與士卒堅守蜀人去廢帝以全節爲滄州留後晉高



祖入立拜全節爲橫海軍節度使徙鎮定遠代李  
金全金全叛付於李昇高祖使全節討之金全南  
奔昇將李承裕守安州全節與戰大敗之斬首三  
千餘級執承裕斬之開運元年爲行營都虞候契  
丹與晉軍相拒全節破之克秦州降其守將七月  
徙廣晉尹十月杜仲威爲招討使以全節爲副大  
破契丹于衛村全節爲人謙謹事母至孝其臨政  
決事必問法如何初徙廣晉時過元城衣白襪謁  
其縣令州里皆以爲榮開運二年徙鎮順國未至  
任而卒年五十五贈中書令

宋馬全義

幽州薊人

十餘歲學劍擊善騎射十五隸魏帥范延光帳下  
延光叛晉祖征之以城降悉籍所部來上全義在  
籍中因補禁軍不得志遂遁去漢乾祐中李守真  
鎮河中召置帳下及守真叛周祖討之全義每率  
敢死士夜出攻周營多所殺傷守真貪而無謀性  
尤忌尅全義每爲畫策皆不能用城陷遂變姓名  
亡命周廣順初世宗鎮瀘淵全義往事之從世宗  
入朝周祖召見補殿前指揮使謂左右曰此人忠  
於所事者在河中屢挫吾軍汝等宜效之世宗卽

位遷右番行省從世宗戰高平以功遷散員指揮使從征淮南以功遷殿前指揮使右番都虞候恭帝卽位授鐵騎左第二軍都校領播州刺史宋初歷內殿直都知控鶴左廂都校領果州團練使從征李筠筠退保澤州城小而固攻之未下太祖患之召全義賜食御榻前問計對曰筠守孤城若併力急攻立可殄滅倘緩之適足長其奸耳太祖大喜曰所言深合我心也卽麾兵急擊之全義率敢死士數十人乘城攀堞而上爲飛矢貫臂流血被體拔鐵臨敵士氣益奮遂克其城遷左捷虎廂都

校領計州防禦使又從征李重進領控鶴虎捷兩軍爲後殿及賊平班師錄功居多改龍捷左廂都校領江州防禦使俄被疾太祖遣醫診視仍諭密旨曰俟疾間當授河陽節制全義疾已亟但叩頭謝數日卒年三十八特贈檢校太保大同軍節度使子知節

宋馬令琮

本名令威避周祖諱改之父全節歷橫海定遠昭義彰德定武天雄六節度皆署令琮爲牙校累授彰德牙內都指揮使檢校尚書左僕射領勤州刺

史令琮少善騎射嘗從其父平安州及與鎮州安重榮戰皆有功由是益知名晉開運二年全節卒令琮起復拜隰州刺史漢祖開國詔爲西京巡檢使周祖受命詔爲陳州刺史征兗州詔爲京城四門外巡檢世宗卽位移隨州顯德二年入爲虎捷左廂第一軍都指揮使六年兼領建州刺史宋太祖卽位出刺懷州李筠叛將親征召三司張美餉兵食美言河內密邇上黨令琮日夜儲蓄以俟王師太祖善之命授團練使執政言令琮方供億大軍不可移向他郡遂升懷州爲團練以令琮充使

又充先鋒都指揮使及澤潞平爲昭義兵馬鈐轄  
踰年被疾詔許歸郡乾德二年卒年三十九歲太  
祖甚憐之錄其一子延恩爲殿直

史贊馬令琮守河內儲兵食以迎王師其忠蓋驍果

多可稱者

宋馬仁瑀

大名津夏人

十歲時其父令就學輒逃歸又遣于鄉校學孝經  
旬餘不能識一字博士笞之仁瑀夜中獨往焚學  
舍博士僅以身免嘗集里中羣兒數十人與之戲  
爲行陣之狀自稱將軍日與之約鞭其後期者羣

見皆畏服又市果均給之益相親附及長善射挽  
弓二伯斤漢乾祐中周祖鎮鄴仁瑀年十六願隸  
帳下周祖素聞其勇既見甚喜留置左右廣順初  
補內殿直世宗嗣位命衛士習射苑中仁瑀弓力  
最勁而所發必中賜錦袍銀帶會太原劉崇入寇  
世宗親征至高平周師不利諸將多引退獨仁瑀  
大呼曰主辱臣死安用我輩乃控弦躍馬挺身出  
陣射賊斃者數十餘人士氣遂振大軍乘之劉崇  
遂敗績世宗至上黨擢仁瑀爲弓箭控鶴直指揮  
使及還京遷散指揮使從征淮南至楚州攻水砦

岩中有飛樓高百餘尺世宗觀之相去殆二百餘  
步樓上望卒厲聲嫚罵世宗命左右射之遠莫能  
及仁瑀引滿應弦而顛及淮南平身被駁十創賜  
良藥遷內直殿都虞侯又從平三關恭帝嗣位詔  
從宋太祖北伐初以佐命功授散員都指揮使領  
貴州刺史俄遷鐵騎右廂都指揮使又爲虎捷左  
廂都指揮使領扶州團練使從平澤潞以功領常  
州防禦使龍捷左廂都指揮使建隆二年改領岳  
州防禦使俄又移鎮漢州初詔仁瑀領荆湖諸郡  
不數年遂復其地至是將征蜀又詔領川峽諸郡



遂平之王繼勳以后族驕恣凌蔑將帥人皆引避  
獨仁瑀詞氣不相下嘗攘臂欲毆之會帝將講武  
郊外遂欲相圖各勒所部兵私市白挺太祖知之  
詔罷講武出仁瑀爲密州防禦使太祖征晉陽命  
仁瑀巡邊至上谷漁陽契丹素聞仁瑀名畏不敢  
出俘生口牛馬無算駕還仁瑀歸治所明年盜起  
兗州賊首周弼毛襲甚勇悍弼號長脚龍監軍討  
捕數不利詔仁瑀掩擊瑀率帳下數十餘卒入秦  
山擒弼盡獲其黨魯郊遂平關寶四年遷瀛州防  
禦使兄子殺平民有司以仁瑀故欲以過失殺傷

論瑀曰我爲長吏而兄子殺人此怙勢耳非過殺也豈敢以私親而亂國法哉遂論如律給民家布帛爲棺歛具太平興國初移知遼州四年車駕征太原命仁瑀與成州刺史慕容超飛龍使白重貴八作使李繼昇分兵攻城及征范陽命仁瑀率禁兵擊契丹於盧龍北契丹兵奔潰師還遷朔州觀察使判瀛州事七年卒年五十贈河西節度使葬事官給

宋馬忠

靖康元年都統制馬忠敗金人於順天門金遊騎

大掠於城下忠以京西募兵適至擊敗之金師遂  
收歛爲一西路得通援兵始進

綱鑑

宋馬懷德字得之祥符人

補三班奉職積官靜難軍節度觀察留後累立戰  
功斬獲動以萬計爲范仲淹韓琦所知薦嘗爲流  
矢中其顙鏃入於骨以弩弦繫鏃發机而出之復  
入陣殺賊如常

史贊懷德經畧西鄙數戰有功其初起伍卒而能習  
民事招流亡不獨一武夫而已

明馬雲

洪武初爲遼東都指揮使時遼東新附反側尚多雲由登萊渡海頓兵金州招降元參政葉庭秀攻走平章高家奴遂進至遼東完城繕兵屯田興學政治一新已而內哈出沒金州雲與葉旺合謀雲留守遼東旺出兵追擊三百餘里殲其衆殆盡上嘉其忠義遣使勞之俱陞都督總制遼東兵馬

明馬華字德輝六合人

洪武初掌岷州衛事十八年夏羗爲患上命華率西守等五十衛步騎二萬直抵疊城討之殲五千

餘衆邊疆帖然陞陝西都指揮使

明馬昊

關中人

昊身長驍捷善騎射舉進士爲監察御史尋謫真定推官至則教吏士習武民家有流劫奸盜悉擒之再因前事謫判開州吏士伏闕上言馬昊於真定稱保障請勿謫詔許之亡何蜀盜藍鄙叛侵掠蜀討之未效吏部尚書言馬昊才可蜀按察僉事佐治兵昊至擇驍勇才力之士千人分四隊會賊來逼昊夜出百騎舉砲擊賊斬首四千軍中皆喜昊曰此尚未見大敵胡足喜宜及勝用之遂前遇

賊方陣左而伏兵於右吳以正兵當左而身率百騎直抵右伏伏驚潰奔左左陣亦潰大破之遷副使治兵川東盜賊勢延蔓都御史高崇熙招撫請降而乞駐劄臨清市吳曰臨清市蜀之襟喉上達重敘下連湖湘其地饒富胡可委賊未幾賊果復反前後官兵俱敗賊遂圍中江吳以五千騎赴中江大破殺賊執廖麻子斬之進右僉都御史巡撫蜀廖麻子死餘黨尚數萬竄於東鄉山推喻老人爲帥吳曰山險不便騎射發步兵三萬出入要道賊當餓死賊窘果縛老人請降進副都御史踰

年亦不刺自西海犯松潘蜀大震吳招土番爲間  
取道夜掩賊驚潰獲馬及衣械無算事聞加祿俸  
一又普法惡倡諸夷部立寨僭號攻劫吳率兵破  
之獨青山寨不下吳行視寨曰此固高絕水道可  
下也乃遣兵據泉口兩口賊渴夜走兵從後追執  
普法惡誅之遷右都御史予一子錦衣百戶

明馬永字天錫遷安人

好讀左氏春秋及兵法機警善騎射正德中江彬  
統宣府兵練西內卽自稱疾篤不隸彬以參將守  
太平虜入塞再創去充總兵官簡諸軍散遣其老

弱聽其農市取其庸倍給諸健武者健武卒咸奮  
習武藝益精當是時漁陽一軍稱獨雄未幾上至  
喜峰口馳馬欲出塞永扣馬諫不可上注視久之  
顧內侍曰此馬永也笑而止朶顏會把兒孫邀官  
賞不得輒入塞永迎擊再敗之自是效順保塞嘉  
靖初大同軍亂都御史張文錦朝議且撫永力言  
不可撫他日九邊效尤將有河北藩鎮之禍勅永  
出居庸討賊以流言而止疏乞赦大禮言官奪總  
兵寄祿南京十二年大同軍再亂召至業已撫復  
還南十四年遼東軍亂召總兵遼東十八年再亂



以家兵捕斬軍遂定陞左都督卒於遼遠人爲罷市哭喪過漁陽漁陽人亦罷市哭喪兩鎮皆祠祀焉永爲將善誦敵情先知所從來及衆寡因勢設伏以故虜往往失利善養士卒同甘苦又能知人所獎拔列校皆拔起爲方鎮云

明馬世龍

寧夏人

身長七尺武力出羣歷任總戎經畧廣寧崇禎六年鎮兵敗於大沙井特命世龍總兵累著戰功

循良

士君子苟懷濟世利物之心隨遇可以有爲然自一命而上其措施尤易爲力若州牧郡縣之任更爲親民歷朝以來吾宗亦多循良矣或心存寬厚或威擊豪強或興學校而息盜賊或濟糶獨而賑饑荒以至風行草偃父老有馬使君之頌策隄障水郡邑有馬公隄之名刻石思功立祠戴德其良法美意至今猶彰彰可考也凡正史及羣書所載彙爲一編以備稽覽後之入官蒞民者亦於是取法焉可乎輯循良

Vertical columns of text, likely bleed-through from the reverse side of the page. The text is extremely faint and illegible.

循良

漢馬臻

永和中會稽太守始開鏡湖在會稽山陰縣西界築塘蓄水水高丈餘田又高深丈餘若水少則洩湖灌田水多則閉湖洩田中水入海塘開周圍二百里灌田萬畝郡無凶年至今猶廟祀之

鏡湖縈帶郊郭白水翠巖互相映發有若圖畫  
王逸少云從山陰道上行如在鏡中遊

漢馬參

閩中人

廣漢太守有治行累官至尚書僕射

漢馬防字建公溫州人

性質直公方雖閑居宴處威儀不忒雅好漢書名臣列傳所諷誦者數十萬言少仕州郡歷官洛陽令京兆尹以年老轉拜騎都尉養志閭巷閉門自守諸子雖已冠成人不命坐不敢坐不指所問不敢言父子之間肅如也

漢馬朗字伯達

防子年十二試經爲童子郎監試者以其身體肥大疑朗匿年朗曰損年以求進非志士所爲也監試者異之年二十二曹操辟爲司空掾屬除成臯

令以病去復爲堂陽長爲治務寬惠不行鞭朴而民不犯禁入爲丞相主簿建安中仕至兗州刺史

漢馬衍

社陵人

幼負異才博通羣書王莽時多薦之者辭不肯仕光武以衍爲曲陽令討平劇賊日食陳八事多所建白

唐馬珣

爲武昌令能文有政事

...

...

...

...

...

...

...

...

...

...

宋馬洵

淳熙中知高州李接將寇郡境洵乃整軍陣備戰器嚴約束賊聞風不敢進一境獲安

宋馬持國字鯁臣新會人

宋南渡入廣因家新會紹興間上策督府張浚幕置之復求去兵部侍郎胡銓見其稟議以爲奇盧州安撫使張希顏因使招集流民上其功借補上州文學攝武鋒軍都統司准備差遣尋召赴都臺議事執政薦其論列有補得嘉州文學免銓改廸功郎淳熙十年果州副都指揮郭棣薦持國能其



職乞不拘常調有旨再仕久之復奏召對陳時務  
三劄稱旨改宣教郎仍與近闕屬官差遣持國欲  
格和議乃著中興自治萬全策愚忠錄繳進之上  
頗嘉納執政周必大楊萬里相謂曰有用才也後  
以和議未格自度恢服不效遂乞外調得廣東鹽  
幕至則請罷白皮鹽場及蠲蚕戶丁錢民便之紹  
興中通判欽州不買交貨欽人爲立祠改知容州  
政務寬厚遠民懷之祠於五賢堂持國立學有大  
志語及國讐輒泣下後竟奉祠歸壽八十餘卒

宋馬晞驥

持國之子淳熙進士判肇慶有潛以奇覲獻者驥  
謝曰吾職在佐郡嘗飲冰自誓何敢以長物汚我  
家聲其人慚而退歷知雷州子宜祖終英德守

宋馬元常

眉州刺史劍南有光火盜夜掠人家晝伏山谷元  
常諭以恩信約悔過自新賊相率脫甲面縛請罪

宋馬默

知登州有治聲後蘇軾知登州父老迂於路曰公  
爲政養民能如馬使君否再知徐州政聲益著

宋馬尚

秦興令修築城隍不擾於民擢判秦州巨寇王琳  
嘯聚圍城尚晝夜巡禦率死士出戰平之進知秦  
州招徠軍民墾闢鹽場

宋馬尋

鄆州須城人

尋舉毛詩學究累判大理寺以明習法律稱歷廣  
東淮南浙轉運使歷知湖汝襄鄧滑等州襄州饑  
人羣入富家掠粟獄吏鞠爲盜尋曰此脫死耳情  
與盜異奏得減等論著爲例終司農卿

宋馬壬仲字次莘建陽人

從朱文公遊紹興間中進士乙科寓居東陽歷官

州縣以廉能見稱所著有奏議行世

宋馬子嚴

淳熙閒鉛山尉恤民勤政長於文雅爲寺碑隱然  
有排邪之意爲倉銘藹然見愛民之心

宋馬燾

知成都府蜀素多盜燾嚴保甲使不得隱匿而申  
其捕限盜爲之息

宋馬執中字權可蔣城人

紹定間知永康軍以績階六品官方奏第一治行  
置田興學生徒仰之繪像於學官

品



Main body of text, consisting of several vertical columns of characters, which are extremely faint and difficult to read.

遼馬哥

興宗時以散職入見上問卿奉佛乎對曰臣每日誦太祖太宗及先臣遺訓未暇奉佛也上悅

金馬惠迪字吉甫灤陰人

天德進士調昌邑令察吏第一累遷左司郎中世宗稱其聰明朴實拜參知政事

金馬克禮

伏波後裔知和順縣德惠及民君子謂其不忝先德政碑至今猶存

金馬譽

大同人

政和間知唐縣善政善教勸課農桑休養士卒人  
多感慕

全忠文類

光緒其願聞 林贊新冬賦文苑

天壽聖士臨昌邑今察其德累德玉樹源中

全忠文類

前本郡太宗及武留徵隨本郡奉勅出外

與宗律以辨鄉人民江南陳年勸學世曰

元馬可慕

知易州均井田平徭役修城池興學校德惠大行

元馬澤

知和州以儒術飾吏事門無雜賓庭無留獄又嘗  
修學宮均戶役年歉賑活饑民甚衆士民思之請  
崇祀名宦

元馬圭

至元中知沛縣爲政循良頗有古風民思之不忘  
勒石頌德

元馬克恭



秉性剛方鄉里敬重由雲南陝西行省椽擢富平縣尉至正元年擢昌邑縣尹卒於道貧不能歸葬於延安黃昏谷

元馬合末

隆興人

至正十年除真定路新樂達魯花赤爲政急實效不尚虛文首崇聖廟次及書院社學禮請明儒勸課良家子弟從師學問每遇秋深自備廩餼遍詣鄉村勸農創建常平倉豐糴凶糶貧民咸被其賜

元馬合謀字均彰宛平人

泰定五年爲彰德路總管厚重廉介割俸修學值

歲旱齋沐徒步禱於白龍潭須臾甘澍大沛

元馬世榮

嚴州人

大德中爲壽昌尹治多善政嘗率民於近縣築堤障水民賴之名曰馬公堤

元馬英

爲興州觀察使判官政成訟息讞獄明允有惠於民  
見正祀考

元馬欽錦

爲陰平縣令發私粟六百石贍饑民又給民粟種四百餘石世祖詔獎特賜西錦以旌其義

元馬蒙古

慶陽人

至元中為西克主籍時郡盜劫掠百姓逃竄聚眾於南岷山竭力捍禦全活甚多今存老馬寨民歲時祭之

明馬從隆

洪武初知霸州律已以廉撫民以仁興學校勸農桑士民至今賴之

明馬希顏

洪武間知沐陽縣專務德化不施刑威學舍壇壝皆其修葺

明馬驥

洪武束鹿縣知縣學問該博有守有爲吏民畏服

明馬守中

陽武人

洪武初秀才釋褐授獲嘉縣丞歷遷知縣同知所

至政聲著聞入爲監察御史官至右僉都御史

明馬伯庸

洪武初勛縣知縣撫字流民興舉庶務人懷其惠  
至今猶稱道之

明馬文璧

紹興人

洪武中知撫州學博才敏慈祥愷弟民深德之尤  
長於詩文時稱曰文章太守捐俸修文昌橋

明馬極

國初知通城縣披荆棘置縣治攘除凶暴撫輯遺  
黎逾年田野闢戶口增境內大治士民立碑頌之

明馬遠字伯行

昌邑縣丞爲政廉平人不敢干以私粗衣糲食淡如也其妻子乘間謂公曰居官何淡薄如是伯行怒曰爾輩欲使我爲善耶爲非耶

明馬謙  
順德人

洪武間任交城縣丞興學勸農政績甚著陞戶部主事

明馬逮字伯忠吉水人

洪武初爲曹縣令存心撫字築堤防水民受其惠

明馬漢臣  
洛陽人

洪武中知乾州廉能勤敏卓有政聲

明馬憲

武康人

洪武朝知延川縣勤政愛民百廢修舉民不能忘

明馬繼祖

永樂間知全椒縣嘗捐俸修整學宮又建寶林橋以濟涉民俗安阜崇祀名宦

明馬玉

永樂初知隆德縣爲政有方善於營建時稱其賢

明馬駿

河南原武人

永樂八年任指揮使鎮守永昌衛境界寧謐

明馬負圖

山西臨汾人

永樂中爲永平知府孜孜愛民多有善政尋以績最超陞陝西左布政使司

明馬文綱

永樂間扶溝知縣蒞政廉謹撫民寬和不尚刑法專務德化民之奸惡者自勸流移者自歸盜賊滅息遠近德之

明馬忠

山東恩縣人

宣德初知武安縣有惠政九載秩滿民奏留之詔晉通判仍治武安後以疾去士民思之



明馬驄字馴良臨桂人

正統間知德化縣惠愛百姓嘗築甘棠堤作烟水亭及新濂溪祠皆不費於民後陞工部主事

明馬良

山西黎城人

正統五年知楚雄縣正直不阿政尚簡易凡有益於民者無不竭盡心力去後士民懷之

明馬思敬

四川人

正統中知安化縣存心仁愛視民如子民亦不忍欺秩滿奏留復任十三年上下相孚如一體去之日泣送者不絕於道崇祀名宦

明馬葳

武定人

知慶陽府適敵人犯順邊餉緊急民不能堪葳力請當道減省過半民力得舒

明馬思聰字彥誠青縣人

學醇行端天性孝友以舉人授陽谷縣令清廉愛民時張秋河決檄令督工作堰功成以過勞成疾卒於工所百姓奔哭如喪考妣至今猶廟祀之

明馬自然字性之內江人

進士以員外郎出任姚安知府宅心正大爲政不苟時姚有大石溯水散溢水利民不能均築堤開

東西二閘以時注洩均其灌溉姚民至今賴之

明馬元

保定人

景泰初知富平縣慨然以興文教爲己任躬行義道爲士子式學政大振

明馬榮

長汀人

景泰間任石樓縣盛德鴻才一時頌之

明馬英

衛輝人

天性狷介有志操景泰中以鄉薦任淮安府通判九載公廉卓有惠政淮人愛戴之擢本府同知蒞官終始一致聲績益著屢請乞休雅志恬淡動尋

禮度鄉人重之子龍登進士有父風

明馬傑

利津人

天順中知鳳縣持身廉謹撫民愛士後官至慶陽知府

明馬忱

山西夏縣人

天順壬午舉人任富平清澗東平三學訓導陞武定州州判封工科給事在三學時視諸生如子弟貧者供其衣食簡竄拔秀造就多方去後士不能忘生平勇於爲義親屬貧不能婚葬者咸資給之

明馬政

天順中知高陵縣能修舉廢墜

明馬達

山西解州人

成化間知惠寧縣秉性仁慈操守端潔居官愛民如子欲以蒲鞭示化見時尚繁苛謝政歸杜門靜處不事干謁鄉評重之

明馬金

成化中授廬州通判再遷知府夙蠹盡去建余忠宣公祠創景賢書院修郡庠尊經閣購書藏之

明馬暉字廷震徐州人

蕙子領成化辛卯鄉薦初知潞州潞有宗藩甚橫

職至處以誠敬平恕皆信服無撓法者在州多惠政均徭賦興學校以治最遷南京戶部員外進郎中卒於官

明馬通字致遠同州人

成化中授博野丞公正廉平不私受一牘嘗攝東鹿縣事博野人闌駕至敗輿東鹿多詭訟獄多寃滯公判斷明敏理其大辟之枉者人頌神明陞知本縣東鹿人復攀留不使還兩縣詣闕爭之冢宰以成命諭遣始已公既知縣事凡舊政不便民者次第布之邑用大治憂歸行李蕭然起補繁峙繁

時故多頑梗士不知學民好逋賦公勤勸課選社  
師訓民間子弟督胥吏習爰書俗爲一變賦亦樂  
輸邑有大水他邑承風旨減報公獨詣撫臺力爭  
報全災邑困得甦他邑民以不生繁峙爲恨尋病  
卒囊無長物櫬發泣送者填路以孫文莊公貴贈  
宮保尚書大學士人以爲廉吏之報云

明馬驥

介休人

成化甲午舉人貌偉學充善迪後進任寶坻知縣  
邑多皇莊草魚等廠中貴權倖不時騷擾驥特奏  
准兵部通行禁革永除民害

明馬昇字廷進河源人

成化進士擢延平府同知尤溪民有聚眾數千圖為亂者郡縣皆憂懼昇單騎往諭卒解散之

明馬岱字伯瞻江都人

成化丙戌進士知泉州府泉民有數世不葬其親者岱至諭以情禮民皆感泣旬月葬以千計性剛峭好面斥人過不避權貴人多憚而怨之

明馬鉦

四明人

弘治三年知永寧縣廉幹通敏永寧在古為小邑鉦至大興政教首禁巫師盡毀淫祠令各祀其祖



先及土穀之神振新廟學日萃諸生嚴加督訓士  
始彬彬向文百廢盡舉邑稱大治

明馬淵

徐州人

弘治舉人任庠陽府管糧通判時屬邑負租十數  
萬淵曰民豈有食土而不輸忠者乎此必有過額  
侵漁之擾不與清理長民者之過也乃與定限革  
弊良者有所持循奸者不能規避賦稅漸完築環  
縣城鑿鹽池井得甘泉一方尤仰賴之及歸行囊  
莫辦士民皆頌其廉

明馬騏字文祥鉅鹿人

少補邑弟子員有奇節縣博卒於官忽失所有百  
金妻子無以歸騏發遺金以歸其觀人皆奇之後  
領鄉薦弘治辛卯授封丘令封丘多逋賦騏曰民  
之貧官吏擾之也禁制約束正供之外毫無羨餘  
由是民爭輸納巡守至有索分例者騏曰民不堪  
命尚可苛取哉吾官可去民不可擾巡守氣沮後  
有至者不復言分例矣然以是觸怒上司遂引疾  
乞休封丘民至今猶尸祝焉

明馬圖

林縣人

正德朝舉人知沁州省賦除繁潔已愛下崇祀名

宦子卿登進士官本省提學副使終都御史

明馬禮

北通州人

正德癸酉舉人授鄆城令心存撫字政不擾民陞  
代州同知去之日鄆人頂香泣送者如市

明馬節字信卿通州人

正德己卯舉人授上杭令盜賊屏跡先是新析置  
永定縣割上杭數里隸之邑豪以田附永邑而遺  
其稅糧兩邑讐訟數十年節爲勾稽覈實受賦定  
界衆皆悅服

明馬麟

嘉靖間知嘉定縣賦性嚴介無有敢干以私者邑  
多桀黠之患麟密召其魁令自相摘訐出袖中罪  
狀按之皆叩頭伏罪又常濬練祁塘自治城至外  
岡鎮止舍於外凡十日而工畢

明馬森

嘉靖中知太平賦性鎮靜歲稔出官粟數萬斛活  
民胥役不能上下其手量市廛均差役孜孜教士  
讞鞫尤稱明敏鄰郡有冤獄俱願就決

明馬呈書

廣平人

嘉靖朝舉人任大同縣秩滿陞本府同知會款貢

事宜多有擘畫督巡以聞賜金帛陞郎中後知大同府加意學校政肅民安三雲大治陞運使致政

**明**馬永亨字子健韓城人

嘉靖甲子舉人知房山縣性介而方常祿外一塵不染遷河間丞三攝郡篆庫有羨金睨之若冕陞常德知府嘗爲加副使銜蓋寵之也喪偶二十年鰥居不置一婢人皆難之

**明**馬寅字明暘侯官人

嘉靖乙酉舉人任衢州教授直寬爲教賢愚皆獲其益時稱其喜怒不形寵辱不驚云

明馬佩字服玉德州人

嘉靖辛丑進士知咸寧縣剛介明敏守已愛民省里甲清賦稅抑強扶弱在縣六年考績稱最

明馬存仁

涿州人

嘉靖朝舉人知真寧縣守已廉介爲政寬平解組後民有去思

明馬宗仁

新縣人

恩生知三水縣法度森嚴存心愷弟創修城垣門堞人皆德之

明馬廷璽

真定人

舉人任澄城教諭學行優長軌範嚴肅後陞知縣

**明**馬汝溪字誠望錦衣衛籍

嘉靖壬子舉人任慶元令歲值攢造晝夜親閱織  
毫不假冊成當道賢之後授撫檄禦閩劇賊李  
文標卽率鄉兵滅之入覲過家遂謝不赴買地瘞  
暴齒還邵氏無券金陰行其德汨然不自鳴也

**明**馬有驪字德祥號仰湖溧陽人

太常子由司儀出宰福建晉江時經界法壞公私  
交病上官知公廉能舉一縣田賦委其區畫不擾  
而辦上官才之舊田賦過重者乞減水色定賦則

上之官迄今視他邑爲便三年奏績卽賦歸來放  
情山水卒年五十三所著有玉蘭齋遺稿行世

明馬時叙

北通州人

隆慶丁卯舉人授壽張令與民休息不尚繁苛政  
聲大著凡所規畫一遵父南岡公家教云

按南岡諱遂正德癸酉舉人禮之子少有雋才  
每試輒冠諸生數奇不偶僅循廩階升於太學  
公卒業歎曰天能窮我以數不能窮我以道積  
德累仁盡其在我顯揚功名不有吾子若孫在  
乎凡睦族卹故養孀嫁孤分甘以念貧交無不



畢力爲之子時叙舉於鄉孫經綸成萬曆癸丑  
進士爲一代名御史

明馬彥卿

四川內江人

隆慶中舉人知岐山縣興學校剔奸弊清廉愷弟  
一時有循良之稱後知寧州惠愛如一時初設北  
關通商利民有馬公遺愛祠

明馬呈秀字君實揚州人

萬曆甲辰進士知延安府賊入境督兵捕擊擒其  
渠魁收復流民萬戶開墾荒田數萬畝卒祀名宦  
明馬重德字瑞軒其先山東蓬萊人

遂安知縣禊躬以莊撫民以寬庀葺宮墻輪奐改  
觀而民間晏如若不知有興作者他如均賦役修  
雉堞清積蠹善政多端毛一公作記以誌不忘

明馬希尹

太倉訓導常攝學政時州大夫朔望謁廟青衿環  
立言事希尹約束嚴明無一人敢以私請

明馬天俸

密雲衛人

萬曆間任清源縣公明廉敏清丈地畝均平糧石  
地方永賴

明馬攀龍號瑞洲巴縣人

萬曆中知韓城縣慈惠介潔聽獄明允時韓邑賦  
或溢於田丁或溢其賦逋負日甚龍至親加釐正  
而溢派規避之端杜又力興水利以備旱荒天旱  
輒涕泣拜禱焚瓜自責多有甘霖之應終其任訟  
獄盜賊爲之一清陞興國知州

明馬夢箕號南奎尋甸人

萬曆朝由舉人知羅定州才智敏捷當堂聽斷吏  
莫敢欺搜奸馱蠹造士愛民取受不苟雅有却視  
之風陞南康府同知士民建祠祀之

明馬體元號紫封祥符人

善屬文事徐匡嶽先生以道學名由選貢授山東  
觀城令歲大禱設法賑濟全活萬民歷任北直深  
州守有政績卒祀鄉賢

**明**馬一筍

雲南建水人

由舉人任慶陽府推官忠厚存心用刑惟謹流寇  
圍城晝夜戒嚴多方設法守禦地方賴以保全

**明**馬逢樂字叔遇三原人

萬曆甲午舉人爲天雄判遷莒州守值歲大饑設  
法賑濟所全活甚衆忤當事遂罷歸後補遼州以  
疾致仕生平方正清嚴爲鄉里師長

明馬中超

廣西泉州人

萬曆朝由舉人知欽州正巳率物民無差役騷擾之苦時賊黃慶忠標掠爲患超單騎曉諭安撫之又條請開復西門設墟場於河之對岸便民交易重修五湖亭俱有政蹟

明馬民牧

南河人

萬曆中舉人知臨潼縣政善拊循御百姓如家人父子時內使采金聲勢赫奕公與抗禮不爲少挫一切開采事宜調劑悉當百姓恃以不擾

明馬民牧

河南陳留人

萬曆初由進士令永年明敏強記累年幽抑盡爲伸剖城嘗苦水相地勢決孟家口而壅積消以洩水多溢爲之築堰開拓滄陽稻田增數千餘畝至今利之改條邊革種馬大戶邑人爲建生祠於午橋側

明馬大儒字心董陽信人

萬曆中進士令曲周明達果決片言折獄捐俸買田數十頃收租備賑擢吏部士民立碑建祠祀之

明馬鐸

定興人

萬曆中舉人知同官縣雄才大畧多所建立申減

荒糧修築河堤後改知偃師

明馬文銓

項城人

天啟間舉人知河津縣清廉仁厚秉性耿直去之日合邑哭留板轅者擁不獲前文銓曰士民若此無官勝有官矣肖像河汾廟

明馬呈國

內江人

知鄆縣練達精明諳於治體申免灞河役夫節汰里中冗費民沐其澤後陞御史

明馬士式字月川太湖人

貢生授河南登封教諭善古文詞邑名士多出其

門訓課有方上官薦陞本縣知縣蒞任一年大著廉聲所著有四書正業詩經講義行世

明馬孔健

河南陳留人

由進士知盧龍縣勸農興學固圉安民己卯督師孫傳庭欲入郡城民心洶洶健設館城外民賴以安庚辰臺司檄縣運糧十萬石至遼健條議令兵卒協力津遞而民不擾有大家兄弟爭產構訟健閉閣引咎數日不視事兩家慚謝和好後擢御史明馬璿字文璣涇陽人

以椽爲平谷尉決巨室訟遠近稱平修葺古北口



邊城禦敵有功陞順義主籍司易州厰薪三月逋  
薪悉完及家居建議開北仙里二渠溉田百頃

明馬宜春長子人

舉人性廉介時新中者每人里甲派銀百兩爲賀  
宜春固辭不受遂革其弊授鄘縣令大著賢聲

明馬文

河南陝州人

河州學正以善教人以清持已非其義雖一蔬不  
受士風由是振作

明馬呈德

杞縣人

進士崇禎五年知富平縣立法嚴肅登陴守禦防

寇有方後陞主事

明馬嘉植

崇禎朝知武進縣時邑賦繁重糧長之害尤劇植議變爲圖收任輕而差役少宿患頓除漕兌軍丁多耗外要索植痛抑之至露刃鼓噪不爲動

明馬之光字實符六合人

崇禎己卯舉人性豪俠尚義歲入率分散宗人卽行路以舉火請靡不應遇旱災貸貲以賑收瘞白骨急人婚嫁教諭通州尋遷貴池擢修武令修武爲韓退之故里首謁其祠鳩工新之正供外陋泝

悉罷無何中疾卒署中惟生平詩一卷而已子晉錫康熙癸卯解元

明馬龠

西充人

知德安府寬厚喜文學政務簡靜不獵聲譽衍衍書吏間民亦不擾重修郡誌雅有治蹟士民懷之

明馬隆字道亨中部人

沈毅耿介與人寡合任大同推官執法廉平庭無留獄大同戍卒變僚長皆遁戍卒鼓噪入王府聞隆在獨不走遂退就伍其見信於人如此陞西浙運判以母老上疏乞養隱於東河終

明馬之瑛字倩若桐城人

崇禎庚辰進士知定陶縣寬和簡易興學校省催  
科一意撫字陶民德之秩滿欽取士民載道攀留  
呼號不絕合詞請祀名宦祠子教思康熙己未科  
會元

明馬汝彰

知武進縣政務填委決之若神然惻惻無華有善  
不居毛憲贈以詩曰一鶴不隨心似水片言能折  
獄無囚並非虛譽

明馬濂字濬卿無錫人

登第後卽除盩厔令謂客曰吾不解爲今令也客曰稍刻方爲員耳答曰方可刻乎單車之任約已愛民久之遷鳳陽守繼補溫州吏治整飭進陟水部卽擢遲五載銓部重其品擢副滇臬踰三月卽致政歸以子鳴鑾貴封中丞

明馬朝錫字晉卿彭縣人

進士起家蕭山尹調安東決鹽河開荒田招流徙備載三漣政畧入佐水部權關蕪湖力奏革船稅以便行人被讒而歸澹如也黃輝曰晉卿入仕如矢居鄉如玉著有捫參樓集五道原等書

明馬克用

宣德中爲石柱宣慰司善撫部落人心歸附子孫世襲

明馬文健

知嘉定州體貌清癯操如冰蘖人以居敬行簡稱之去之日僅篋囊二具

明馬忠字思誠陝西高陵人

由監生知棠邑縣行潔而慙疏食布袍官舍無長物屢旱禱雨輒應歲饑不待報卽發粟賑貸上官知其爲民弗罪也致仕民思之不忘請入名宦祠

明馬廷錫

黎州宣慰司人

嘉靖間以經魁任什邡教諭敦倫飭紀身先率之  
張中丞東沙薦其有翰苑才陞內江縣不久棄去

明馬虔

雲南武定人

崇禎間知廣安州治法畫一剛介不阿歷官達州  
僉事

清馬光裕字文饒遼東人

父雲龍三品叅領公由官生歷刑禮兩部筆帖式授鎮江府丹陽縣知縣縣素衝繁難治國朝以來宰官誑誤去者凡二十有七人公莅任後按任查追見匍伏庭階者遠則前令之子若孫近卽及身聽比惻然曰此非昔日之坐公堂而撫百姓者乎彼之祖若父不如予之按故籍而追舊賦者乎今若此欲盡縱其去幕客曰歷任逋賦計二十餘萬兩公養廉有幾能爲此從并計耶合署僉以爲不可公卽檢其年最久而家至貧者十人代償其



其欠而歸之且號于衆曰某非不欲一視同仁奈  
綿力不能支重賦耳衆皆感泣時考成之法最嚴  
而丹陽舊多逋賦咸勸其設法催科公笑曰民有  
餘力自樂輸將吾忍以民命博一官哉一心撫字  
民服其恩信輸負恐後三年咸歲內全完 總督  
范 巡撫宋皆奇其才五行保舉陞貴州廣順州  
知州去之日士民思之不能忘建坊于西郊以誌  
功德莅州任治亦有聲尋以母白氏太夫人年高  
告歸終養河臺題畱河工効用子三長勲考授州  
同以河官代管開封府儀封縣主簿事次烈次杰

皆幼習儒

清馬光遠

遼東人

祖福源監鑄錢廠順治元年從

龍進京

賜四品官父如龍屢有戰績以憤爭軍功

大與時忤候推總兵未竟其用而卒順治三年光  
遠任山東張湫別駕至則恩威並濟盜賊屏跡而  
民不敢爲非陞江西袁州府同知有廉能聲尋陞  
本府知府年四十八嬰疾卒于任士民思之合詞  
請祀名宦祠

清馬斌

光遠子由直隸廣平府通判陞江西袁州府同知  
斌曰此吾父舊治之子民也加意拊循以考最陞  
南康府知府卒年亦四十有八子紹武誥武

清馬楠字韓山浙江上虞人

公治黎陽修學宮重建朱子崇正書院捐築江岸  
數里凡有興作並不派取里民朔望鄉約及覆詳  
明民皆敦行歲行季考課士士之尤者觀場給其  
卷資公車赴京者贖餼從厚故士民戴之爲建德  
風堂作記刻於屏以誌公德不忘云

風堂非時候林根以請公辭不忘云

登寶公車扶京雋觀紛發早茹士只漢之益叢  
即乳背連行遊并季鉢點士士之次皆購賦餘其  
嬖里只休與并並下飛姐里只賤望濼條又野精  
公出裝烈勤學官重叢米干崇五書到能菜武京

○嵩崑崙亭韓山池山土真入